



騰

咲

集

八

卷

騰咲集八卷
卷八
騰咲集

滕州縣十里花園藏

朱竹垞都下詩

騰笑集

朱竹垞都下詩
卷之六

曝書亭藏版

藏園先生七十歲小像



藏園老人七十壽時
壬午十二月
王融

王曰升

新刊水滸傳六十卷書目圖

竹垞先生詩文初刻之本有二一為竹垞文類一
為騰笑集余皆先後得之此集凡八卷彙通籍
以後所作刻之京師前有自序為康熙二十五
年在掌院牛鈕彈劾左官之後題曰騰笑用北
山移文之語藉以自嘲也舊為馮柳東太史所藏
有題識三則識其為率尔訶應之作以余觀之
游大房諸篇風概騫舉可稱名作詠物諸題尤
精麗可喜即題圖送客亦多名章集句又安
可輕議也書後前人朱墨點抹眉間朱筆識
語以言蔡脩樞貌果風流宋牧仲果以白炭

相贈似屬同時輩流之語第莫敢為誰氏耳昔
向繆執風言此本之詩晚年編集頗多改易且
有不載入全集者此集眉評亦偶及之異時當取
而對勘庶以見前輩矜慎之旨也此刻傳本較
稀柳東得此於梁珠淵茂中事亦百年以前已
言舊本絕勘余此帙獲之嘉興忻虞卿家鈔
有嘉興忻虞卿三十年精力所聚一印書友李
寶泉南下訪書為言虞卿年踰六十生平喜收
書於鄉先生撰述搜訪尤勤多得精鈔秘校本
寶泉以三千金捆載以去瀕行主人遊面不出

藏園傳世圖甫

詞之則獨坐空堂嚮壁飲泣矣昔牧齋跋宋刻
兩漢書謂去書之日殊難為懷有李汝法主去國揮
淚對官娥之慨若忻君者嗜書以命宜其淒惶惜
別情不自禁矣其後寶泉載書北來余暇取時零
小帙其餘若全謝山五校水經注稿本管子相子鈔
群書數十冊皆以歸之天津圖書館使得以公諸
當世傳之久遠庶足少慰虞卿生平搜採之雅
意耳偶憶舊事附志於此俾後人知幾之一集其
流轉授受之蹟足以生人慨慕而其人之姓氏
庶幾得附竹垞以傳此區之微旨也

歲在壬午嘉平月江安傅增湘識於企驂軒

此卷類訓應之作率意而
書各得所願而志心平氣和
無復江潭進萃時罷官
後作是勝之考柳

此卷類訓應之作率意而

書各得所願而志心平氣和

無復江潭進萃時罷官

後作是勝之考柳



藏園傳口圖印

歲在壬午嘉平月江安傅增湘識於企驕軒



藏園印

此卷類訓應之作率意而

書各得所願而志心平氣和

無復江潭憔悴時罷官

後作差勝之老柳



此於卷之末
與此卷之末
亦文以歸
六卷之末

竹翁文類有二其類布衣朱某為前刻其

一疑在騰笑後天一閣有藏本今未之見也

晚年手定者全集政化編年今其手定者

在余處以朱某編年甲子多有時事不符者若

古時約畧為之初不料楊注之考核其多舛

周憲矣此本從梁珠淵借得己未秋



竹垞先生以名高入史館刻其詩文數十萬言
既爲藝苑職志矣今年丙寅復輯其已未以來
詩若文凡若干卷集成見示且屬爲之序嗣璉
於先生中表兄弟然名位文章相去絕遠何足
以知先生雖然亦嘗從事於文欲有所就正於
先生久矣竊謂唐之文奇宋之文雅唐文之句
短宋文之句長唐以詭卓頓挫爲工宋以文從
字順爲至昌黎之文進學解自言之矣答李翊
書則爲人言之矣李漢李翰諸人又言之矣總
蘄不蹈襲前人一語廬陵推論六藝之華則曰



自能以功業光昭於時故不一於立言而垂不腐而今乃沿襲模擬以空踈不學之材強爲無本之枝莠不幾爲古人所笑乎先生於書無所不窺搜羅遺佚爬梳考辨深得古人之意而後發而爲文粹然一澤於大雅固非今之稱文者所敢望矣其稱詩最早格亦稍稍變然終以有唐爲宗語不雅馴者勿道正始之音不與人以代興之業此璉所竊窺於先生嘗欲廣諸同好而因舉私見以質之先生者也故辱先生之命輒書此以進之海寧查嗣璉序



竹垞主人少無宦情耕長水之南年五十矣天子下詔徵文學之士僂顧問著作之選有薦於朝

召試體仁閣下

天子擢居一等得除翰林檢討充明史纂修官故事翰林非進士及第與改庶吉士者不居是職而主人以布衣通籍洵

異數矣越二年

天子增置日講記注官則主人亦與焉是秋出典江南省試拜

命之日屏客不見將渡江誓于神入闈矢言益厲聞者以爲怪迂公事畢地主問遺輒以分故舊携其妻入京師無家具僅載書兩大籠而已盜劫其居發所藏止餐錢二千白金不及一鎰也明年正月天子召入南書房賜宅景山之北黃瓦門東南居一年各挂彈事吏議當落職

天子宥之左謫其官復僦宅宣武門外遣其妻歸獨處一室庭有藤二本檉柳一株傍帖湖石

三五可以坐客賦詩於是酒人稍稍來遊或有過而問業者爰出通籍以來所作鏤示同好其曰騰笑集者取諸孔稚珪北山移文之語也噫主人以詩文流傳湖海四十年一旦致身清美入侍

禁近賦命誠非薄矣卒齟齬於時人方齒冷宜其焚棄筆研勿復爲顧仍爲之不巳則笑之者亦不已也項平父有言世之人無貴賤皆畏人笑獨滑稽者不畏人笑非獨不畏且甚欲之然則主人所爲毋乃近于滑稽也乎時康熙二十

有五年歲在柔兆攝提格月在終病丁巳臚竹
垞主人朱彝尊錫鬯父自敘不先且其於之然


出入以精文流曾賦蜀四十年一旦遊世前矣
日觀笑集卷一
賦



騰笑集卷一

太極圖賦

賦



原夫黃牙欲發蒼精未垠一氣融結萬象胚渾
馮馮翼翼烟烟煜煜睢睢盱盱綿綿分分既龐
鴻之未兆何聲臭之可聞量則包夫清濁質斯
合乎昭昏謂虛無而有象運妙有而無鄰鴻靈
幽紛泰貞蠢闢混成天地之先互藏陰陽之宅
觀動靜兮無端占迴游兮不隔譬水車之恒轉
類果核之未拆爾其理則貫一象實函三白麟
之書莫吐赤雀之籙未啣名雖傳乎十翼義尚

晦乎周聘啟華山之妙蘊藉營道之幽探種穆
秘師授之說朱陸滋異同之談至希至微無偏
無側一翕一施半白半黑外若離玦中如含蕙
萬物於焉化生五行之所糾纏成能設位圖往
鏡來化一氣甄三才天根啟月窟開悟儒言于
冥階允經學之倫魁乃知聖人能脩全體先知
可詔後覺大道爲事物之母
天子有簡能之學用廣運而不窮信範圍之非
邈願永繪於
丹青方金鑑之在握

平蜀詩十三章

并序

臣伏見

皇上卽阼以來仁聲溥洽凡在海外重譯來格
邇者巴蜀負固叢爾叛寇神人交憤六師
所向何堅不摧
皇上先之以德化未卽成劉乃凶渠旣殞餘孽
天威赫怒爰命虎臣五道分軍采入其阻日未
浹旬保寧成都千里底定正月丁巳捷書
上聞誕集文武臣工宣于闕下僉曰蜀寇

之不靖於今六稔工宜平闕不僉日隆
皇上休養民力湛靜不練金鏡在握朗照萬里
天淵之遠山川險易瞭若掌中衆人異日未
廟算恢宏指授方畧以師則武以時則利以將
聖武布昭遠邁隆古臣以布衣被蒙
恩澤拔置史館粵稽曩昔劉闢旣擒韓愈進元
和聖德詩明之平蜀劉基亦作頌以獻臣
雖蒙滯躬逢盛際於以頌揚丕烈其何敢
後乃拜手稽首而獻詩曰

皇帝聖哲靡遠勿瞻南諧北燮西被東漸蠢爾
不庭憑阻滇黔爰踞巴蜀以逞戈鋌
皇帝曰咨元戎是勅欲宣武功誕敷文德寇衆
來挑我堅壘壁匪久其師恤民之力
民力旣恤士氣孔揚我車我牛我倉我箱芻茭
菽粟在囷在岡萬夫豫附萬馬騰驤

魁渠肆殄梟謀日阻
帝曰可哉命整雲旅分鑣以馳揚旌負羽或搃
其吭或擊其脅
赫赫奮威師度七盤旣下葭萌入閬中關桓桓

勇畧鳥道鈎援綿井既收遂復錦官
如彼東瀛用注螢燭如彼衝風用卷秋穉昧雉
斯經窮獸乃縛徹其幟竿清我堠柝
蜀之黃髮植杖以遨蜀之黃口聯臂而謠壺則
有漿簞則有醪或徯于野或迓于郊
迺疆迺理橙林棘路爾宅爾田輕爾徭賦巴貢
其賤竇輸其布棧谷梯山千里褰泝

捷書夜奏徹於
宸聰午門斯啟宣示臣工小大稽首蹈舞攸同
庭燎晷晷光如日中

我出我師正月初吉至於益部曾不旬日矯矯
虎臣殆罕其匹
帝心是嘉首用遷秩
人亦有言師克在和惟此成功
廟算實多貳者勿族降者勿苛

皇仁之溥四國是吡
井絡既平坤垠式奠蒙詔牂牁載歸赤縣
皇帝神武俾脩組練亦有昆池於焉習戰
聖有恒訓儆戒無虞凡百有位職思其居勿謂
外寧官守或渝小臣作詩以贊訐謨

小寧百贈田學使

雲

斯文絕續交。幾人執其柄。田君起青齊。卓立天
骨勁。汲古尋深源。摛辭握奇勝。鏗然繁聲中。獨
見朱絃絃。清朗有餘閒。垂簾發高詠。往往招吾
曹。文史共商訂。思爲一柱孤。砥此濁流橫。塵埃
每相對。冰雪戶庭淨。
天子重持衡。詢謀乃錫命。君才信無雙。秉心真
水鏡。陳言去雷同。僞體資割正。哲匠繩羣材。人
地始相稱。竚見正始還。八表同風盛。吾衰翻悵
惘。卮言更誰聽。送遠乏一樽。出郭畏泥濘。腰組

雖同紆。脫畧野人性。比鄰少經過。臨發始煩惱。
毋言道阻修。明月千里映。譬之豐山鐘。流霜遠
必應。望望句曲山。白雲可持贈。

清流關

清流關。歷屢設險。古來尚細路。綠秋毫石角。竦
殊狀。舍我一兩車。拄此九節杖。初行井日中。俄
出松果上。回睇衆山卑。連峰走頽浪。入關少疆
礫。客意始蕭放。平岡響楓葉。斷壁偃花當。南滁
暑未銷。西礪水新漲。眺遠懷昔人。儒衣謁戎帳。
君臣旣深契。一言判興喪。偏師越死地。於此蹶

上將遺跡雖已湮過者心所嚮山高而水清獨立但怙悵

秋杪同周箕王翬李符龔翔麟邵瑣舍

弟羹玠從子建子游攝山是夕包銘曹

彥樞適至際曉周覽山曲信宿乃還翬

圖爲行看子各紀以詩予得四首

一峰立如繖衆峰韜陰霞有時衆峰露一一青蓮花我來秋已深白露零蒼葭同調五六人志在窮幽遐出郭屏僣從取徑入哈呀高墳何王墓但有麟辟邪犬吠疎籬根鳥棲枯樹榭每因

青谿曲遂使畧徇斜山僧遠迎客拄杖披袈裟坐我青豆房汲泉烹紫茶

槭槭霜葉鳴皎皎霜月白豈期深山中乃有不

速客將無御風行吹落大小翻手持竹如意並

坐萬古石舉杯斟酌之酒戶笑連擘東林鐘魚

聲相答永今夕

凌晨取微徑栗杖叩精廬病葉脫鴨脚斜門束

林筵秋盡澗泉涸厝窟徒潛狙谿橋凡屢渡徑

草多未除西上天開巖縱觀石壁書大江流舄

下日午風舒舒急槩擘盧舟有若逆水魚不知

躋絕頂蒼茫復何如
山游逾信宿未能極
深窈我僕迎路隅揭
步出叢篠比丘指雙
松紀年于歲少何人
植此樹母乃明僧紹
摩挲捨宅碑風跡尚
未杳王郎妙山水能
事擅江表試畫偕遊
朋煙液信昏曉經營
殫意匠改月庶能了
容撰題顏司勳光敏
寫照廟用執秩趨粉
闈省牘設錦幪爽若
楷照玉誕異卓眠甕
爐煙侍史焚鼎饌湯
官供吟伴皆鮑

謝麗澤擬王貢手築
詩壘嚴日邈詞圃空
思深如瀑掛力猛類
弦控體薄齊梁陳源
探風雅頌大笑佛事
賈直欲兵呼宋仙侶
頻頻過文讌往往共
登華捫蓮嶽弔屈沉
楚糗但慕若士游肯
效昌黎慟吟羨削駝
峰貰釀攪牛潼尊空
典春裘賓至傾月俸
脩門疇曩交醉枕迢
遙夢不分紅羅亭再
並青絲鞵命碁懷謝
賭邀笛想桓夷量珠
換雙姬減騎訪二仲
黃鈿香正繁白衣酒
新送飲具洗杉癩水
羞折鷄壅寫貌布丘
壑示客捧僣從或指
肩奪鳶或訝眼偷鳳
儻朗矜絕

世魁梧洵殊衆。傍有古松列。借問何年種。謾謾
風欲生。陰陰翠疑動。疣栞軫未調。橐帙句可誦。
科頭聖盤桓。散帶任陶縱。但聞虛郎署。待去作
厦棟。雖愛江鱸鮮。須憶宮鶯啜。請君收畫圖。乘
時浣組縫。亟上黃篋舫。莫俟渾河凍。
晚登燕子磯。同周布衣。質柯舍人。崇樸

各賦三韻

舞燕寒不出。危磯淨無塵。夕陽射亭柱。遠渚移
釣輪。應從長蘆畔。指點登高人。

送陳舍人

大章歸黃岡

君姿玉山並。君詩白雪高。豈意采風人。力不及
楚騷。策馬去京國。却佩腰間刀。深雍虎文鞞。短
後茶色袍。但愁別須臾。何用心鬱陶。素業在黃
岡。潮田滿江臯。烏犍三百尾。種秫持作醪。暇搜
耆舊文。筆秃猩猩毛。少年能著書。此事亦足豪。
何時涉夏澳。共爾浮金舠。

沈上舍

季友

南還詩以送之凡三十四

韻

有客辭我行。席帽白羅袷。自言不得意。歸當荷
松鋪。小園柘湖潄。流水似清雪。離黃舞花梢。靜

綠照簾栊青蒼風筠竿紫茜露藥甲都籃茶具
列月波酒槽壓恒許二仲尋寧嫌三徑狹年豐
蝦蜆賤市遠漁樵洽權歌夜尚聞香稻曉仍垂
暇便操土風先民有遺劄上舍輯樂郊續私語
雅製洵不乏憶昨檐簷來燕臺雪飛恰高詠篋
中詩得句奇且法燈火擁上元酒人齊賞狎陽
春詎寡和轟飲恣深呷雅材一百五珠槃藉爾
軟駢詞妙徐庾經義析鄒夾謂當搏扶搖青雲
在俄霎豈意威鳳姿先鳴讓鴨鳩新霜危葉墮
遠渚羈鴻唳別筵逾九日寒水響五牋竹節鞭

乍持莧房髣猶插倦游憐歸人有若劍離匣改
歲誓言旋比鄰數鶩鳴

送周叅軍

在浚

之官太原二十六韻

曩客晉陽城逢君館香界羣公方愛士列席邀
旅話君時一縫掖血氣自矜邁高坐噉翫肩勇
若舞陽曾百壺恣傾倒寸心無薑介此會二十
年平生意所快川涂屢漂泊第宅改湫隘謀生
術愈踈汲古心匪懈詩圖審正變樂章別流派
博稽皇象碑耽讀向平卦以茲河漢才金門足
遷拜一官趨幕府諾仕吁可怪衣垢馬足塵氣

短酒鑪債所幸山水區轍跡舊曾屈琮琤難老
泉分流注蒲稗中有長生蘋葱青儼圖畫峪藏
千佛經遺蹟久未壞吾初見之喜力欲挾幽砦
徒置叔虞祠琳瑯等金薤事惟慮始難謀以蓄
疑敗風峪洞中有北齊天保時刻佛經石柱一
百二十六字客太原謀于王方伯顯祚曹
副使將啟而徙于晉祠築亭好奇君過我試
貯之有方使君持不可乃止
往破天械築亭古栢交移石秋陽曬廣搗九萬
牋流轉都市賣卽事良可傳居卑莫深喟行春
孤突山翫月鮑昭解適意亦由人慎勿形神瘵

咏柿

纍纍八稜柿托根西山陽一株一畝陰蟲鳥莫
敢藏烏稗秋迸實赤葉新翻霜團酥釀甘露冰
齒流寒漿回憶三伏時毒熱難周防永日無片
雲焦烟起連岡行人經樹底豈異冰壑涼此時
倘結子瓜果安足方柰何風妻其摘來始盈筐
嗟爾生非時難誇受命強况值蟹膏肥配爾慮
見殃憧憧往來人掉臂不一嘗空煩黃口兒燈
火市道傍南隣煨芋栗北舍鳴椒薑炎涼迭相
代歛退分所當幸有林居人愛之終勿忘
任孝廉坪以家釀苦酒見貽賦詩志謝

效孟東野體卽送其還高密
步兵游竹林左徒吟江潭
思古憔悴人舍酒何
所耽東海任公子遺家醞
一甌味苦炎上作色
黝封中涵一酌我顏赭
再酌我身酣三爵矧多
又醉枕南牕南自晒同
蓼蟲食苦翻知甘
竹苦四味齊蓮苦寸心撥
瓜苦斯有敦草苦亦可
將周原美董茶越女采
蕞葛以蒿漬冬醅香味
勝百末自來頌酒人豈
爲甘旨奪
於越百花露味重杯慵
衙維揚五加皮飲之漸
作鹹詎若膠西釀可以
解清饒君今馬首東讀

書歸舊巖暇看糟牀注
飲略手自芟儻遺一尺
書方法試我緘

寄酬張五處士兄彥之

五茸多富室算緡苦煩
拏兄也雖屢空家居能
晏如糠粃恒不飽寄詩
饒鴈魚何哉兔園册不
抄貨殖書

送葉叅議映榴督儲楚中

國家歲漕粟千里連舳
艦上給宮府用下克
軍國需以之實天庾寧
曰此緩圖先生富才
術文與東馬俱道山橐
筆入粉署含香趨單車

采秦風○奉席盛羣儒○

天子眷南顧○特借司轉輸○荆襄漢沔間○土沃田膏腴○歲或不登○天下皆饑吁○吾賢開濟策○足使民困蘇○暇日登南樓○俯瞰赤欄湖○武昌柳百萬翠色○兼蘅蕪○臨風興不淺○高詠無時無○歲晏一相送○欲別愁須臾○南魚北有鴈○莫慰心煩紆○

杭州水利不治者累百年矣○巡撫趙公考城河故道○悉濬治之○鄉人來述喜而

作詩凡二十四韻

武林古澤國○十八礪九溪○當年宋宮闕○溝水流

東西陳跡漸已湮○深谷皆成蹊○民居日湫隘○編竹兼芑荻○猛火一燎原○悲燄百室迷○塗徼大小屋○繡井愁難躋○女丁配夫壬○相顧但愴悽○吏治徇目前○孰能防禍梯○中丞溢世才○利器剗水犀○下車命丞倅○故道資考稽○率錢具畚鍤○曾不煩鉏犁○經始底告成○歲序尚未睽○坐令闐闐間○無異蘇白隄○紅闌雁齒列○赤石羊肝刲○嘔啞小航船○蹠蹙快馬蹄○停鞭市蓮藕○倚檻來鳧鷺○柳陰穀犬鳴○露腳莎雞啼○祝融迴其馭○婦子方安栖○乃知濟時策○不在拯顛隳○公之治水術○豈獨過

白圭泉清原隰平名與召伯齊我家由拳城間
巷多蒿藜願公祛暴吏如决濁水泥上以荅
天子下以寧羣黎

李檢討

澄中

惠鮮鯪魚賦謝

海岱惟青州水族不可筭有魚其名鯪託命白
石研孔如螺者九體具蚌之半浮沉信潮汐出
沒昧昏旦涇涇逐崩濤汨汨臨駭岸漁師三五
輦利刃挾新鍛迎寒解衣禪燎薪雜石炭俄而
投衝波若勇士赴難滑苔裹獷殼自恃兩堅悍
彼石陷死地嗟汝豈得竄殺機伺巧發一割乃

中斷黨附安可常徒令見者歎是物昔所珍不
數鵠鴟胖彥回三十枚曾鄙萬錢換李君家諸
城古臺瑯琊畔封書勅官奴鄉味來歲晏荒途
犯風雪羸馬走顛汗以之貽故人腥涎尙未澣
疑有蠙珠存無復朽索貫饌法失嚴龜食經忘
馬琬庖厨異美臠南北互譏噴於焉出新意滓
汁藉糟灌雜雜筠筐排一一桂火煨雖殊馬甲
脆足勝羊胃爛觀願匪自養比隣呼酒伴饒欸

沈烈女詩

沈烈女詩

十三

吳趨沈氏女許嫁黃小同墨車雖未迎媒灼言
已通黃童抱羸疾十九年命終沈女得凶問淚
落如泉江布總箭筈髮喪服治衣工上樓不下
樓顛頽綿春冬含辛桂枝蠹食苦蓼葉虫父母
勸之嫁女恚經樓中須臾救復活自誓永不雙
獨居三十年兵革俄乘墉全家盡逃匿女仍守
樓窓結我裳與衣輟彼殮與饗一笑歸黃壚之
死何從容層層虎丘塔下臨松栢桐兩家謀合
葬龜筮咸相從小字書新銘白石沙磨礮雙飛
化蝴蝶並蒂生芙蓉春水鳴頭綠秋草雞冠紅

花船恣來往愛泊山西東吾願遊冶女視此馬
鬣封

同諸君聖安寺餞曹檢討

宜溥

載酒入古寺柳林東湖頭將以送遠人豈惟恣
讌遊精廬金源舊香乳塗白牛二帝一宸妃遺
像堂中畱更聞王萬石辭榮返故丘傾城出祖
餞於此聚行輶古來離別地草木常先秋火雷
焚怪柏霜葉鳴老楸雖乏斷碣存陳迹尙可求
曹子酒大户十榼飲不休一朝忽言去無以申
綢繆列席庭槐陰日午風脩脩窪匏截竹節主

客互勸酌。未知臨岐語。遠合古人不坐久。林鷗集。斜照忽已流。並馬歸道南。明發期登舟。一帆掛楚澤。百尺卧竹樓。川涂日以邈。何以寫我愁。夢爲黃衣蝶。飛繞崢嶸洲。

冬日遊大房山出郊雨雪馬上作

蓬勃東華塵窈窕。西山容二者各有宜。強之心不從。徐公脫朝簿。姜子淹旅踪。期我大房遊。捫葛攀長松。茲山我舊歷。不憚寒飈衝。車中三升榼。馬後九節筇。誰能先花時。蠟屐乘清冬。雨霰雖載塗。相顧多歡悰。雪色妙渲染。一峯殊一峯。

明當踏霽日遍覽金芙蓉

止孤山普濟寺

曉辭盧溝河。暮踰韓姑砦。荒榛取綫路。亂塔湧香界。峯迴削峘吸。水涸失泐派。啞啞飢鳥集。籜歇近寺響。僧唄言投水晶域。棲止得所。屆山餅溫凍。釀冬窖。出秋菜。坐久霜月高。起行猶未憊。逍遙青松陰。於心豈不快。

鍾撞柅車束櫪馬各雇輿丁雙轡環柳捲椅夾
以棗木扛舍村入坡陀百折循崆峒萬古此積
石山農絕耕糞短松走長根老樹撐空腔徑盡
緣仄磴險過梯雲杠置身縹緲間若掉都盧撞
層軒坐僧榻喘定心猶懽

一斗泉

昔尋一斗泉俯睨千花塔壯歲不知疲三日行
兩巾重來筋力倦十五換僧臘已拚百骸困猶
幸半踵納崖傾旋曲蝸石扁鏤文蛤雨暘迭晦
明龍虎互垂合忽焉松門在茅屋向斜搭短綆

汲澄泓微風吹颯沓精廬愜忘歸惜未携酒榼
向下招遊朋仰視笑不荅

兜率院

幽燕古奧室兜率居中巖花宮七十二下上東
西嵌六時響魚鼓四面圍筠杉沙泉細流續石
壁遺經劓欲探乳穴勝改着短後衫其中路窈
糾其外雲封緘百千羊鬚珠往往垂龍銜所嗟
脚力弱畏此高嶮嶮山僧飯我腹朴野言多僂
嗣歲期重過同把黃獨鏡

望摘星陀

梯頭歷上方崖內平佺佺其西叢木抄樵路乃
荒迥蜿蜒衆山伏崩另一峯挺誰燒陰陽炭鑄
出火風鼎旣絕鸛鵲棲兼少麋鹿颯何年運鬼
工于此置屋並遙想層雲巔六月亦清冷况當
密雪零夙宵斷杯酪天逼寒稜稜星壓光炯炯
自非鐵頭陀安敢居絕頂

鐵頭陀金時高僧居此山

中院

天開寺中院舊在沙河南應公昔來棲曾立水
磴三河流今已徙亂石堆枯潭孤碣當麥壠頽
基迷蘿龕同遊各下馬考古性所耽劃苔讀遺
文其體國俗參紀年稱虎兒草昧典未諳采之
入舊聞亦足資客談攢筆抄乍終日隱西峯嵐
添我蒙茸裘寒色齊回驟

東峪寺

孤山指憇題馬力苦顛跋蕘夫云一舍五十里
始達不知深山中地志誰所括亭午入東峪僕
饑主亦渴寺門依白楊風葉滿頭脫墻西五墩
古堦下一水活竹爐拾墜巢茗椀收棄鉢蕭然
此時意百累皆可割修塗驗短景揮手謝禪闥
回聽星星鍾流響在林末

西峪寺

層層金仙塔宛宛白帶山西峪在其下梵刻肩
重關經始齊隋代斷手金元間千春闕不發爲
計誠陰姦九經勒咸陽響搨流人寰乃知慈氏
隘未若儒者爛土花填石闕鉛汁灌戶櫪有時
野火燎豈得恃堅頑我瞻雲居寺磴險不可攀
翠微未及上已足舒心顏

甘池

涿水魚重脣甘池魚一目涓涓六七竇羅注滿
陂谷漾苔衣斑深含荇帶綠清冷下浴鳥遠

近來飲犢河北將軍祠臆臘走巫祝不知何名
姓遺像猶在屋秋晴粳稻香日至薶麥熟匪因
水泉利何以具饘粥東度白石橋沙行背山麓
村醅解畱人風慢青半幅

六聘山中吊晉處士霍原

昔有霍處士居涿西山陽弟子半千人大小開
黌堂六聘節愈堅義不干侯王無端豆田謠乃
受彭祖殃紛紜末嘉末鐵騎樓武鄉伏尸出藏
戶繫之如驅羊殺機本倚伏善人安可戕我來
後千載覽古心畫傷祠墓久摧沒末由酹椒漿

縹馬白楊樹旋馬黃茅岡

瓦井

瓦井社北東中田卵塔七叢叢蒺藜中高下如
卓筆傍有石鍾幢各誌歲月日比丘守司徒榮
祿大夫秩當時崇國師此輩盡驕佚非惟混釋
儒兼亦亂名實奈何茶毗後公然肆刊述粵漢
兩燕王改葬蹟遂失樂毅及霍原遺冢莫可悉
彼亡茲乃存物理信難必

欲尋孔水洞不果

晚投故砦宿晨別羽士家欲尋孔水洞村路迷

三父傳聞蹟最勝自昔圖經誇怒衝礧确石晴
響霹靂車層層落暗穴湛湛渟深窪每當三春
時流出天桃花仙巖舞白日文鱗漾銀沙我思
窮其源惜哉無古槎僕痛促歸數未得探幽遐
立馬長店岡心仍戀峯霞

畢上舍大生止酒經年冬夜枉過勸之

復飲賦三十韻

畢生本酒徒系沿鮑陽卓長筵慣分曹專與大
戶較傾壺滿觥船鬪力出捲握選格拋牙骰射
覆探雀殼勇哉氣如虎可奪力士稍初愁鼓鑿

鰲俄至雞喔喔一朝忽不飲客勸輒驚違人或
強之坐竦身等山嶽甘令浣衫袖不復顧謠詠
自從斷酒來月改十晦朔問之何以然其志在
困學僧寮止容膝居若蝸負殼一盃黃蘗酸一
燈青豆爆當其夜分倦欲睡乃翻覺漆髮添初
星丹顏損舊渥入秋試不利泣抱楚和璞羣飲
徒擲揄背面肆評駁獨醒亦何苦羗不如醉濁
北地釀法多滄易通薊涿茲非禁酒國况弛官
務權胡然守枯槁血脉久淫濯生來恒鬱鬱我
見尤爆爆是夕風最寒冰簪掛斜桷西市買山

麋東市買海鯪此時浮一醖亦足忘蹇剝生也
聞我言相視忽而曝有如魚含鈎又如鶴受鉗
紅文螺曲房黃支犀斛角沛然决江河豈能塞
一撲詰朝客來尋仍向甕邊捉

畢子飲二十杯而腹痛復欲止酒再以
詩示之

我歌勸生飲生醉我亦眠繩床一墻隔聞若呻
吟然殘燈撥餘燄夜半衣重褰問之臥歎側欲
語哽在咽手摩腹與肚抱痛青兩顴歷鹿車轂
轉往來梭腸穿良久始起坐絮被遮寒肩荅云

我祿簿福過灾則延緘之苦不易一夕敗終年
飲啄各分定造物信有權譬諸再嫁婦羞溼塗
脂鉛譬諸黃面僧破齋烹肥鮮旁人笑且侮瑟
縮難自前麩蘖伐性斧自此仍棄捐主人忽大
噉物理生未研八尺士皮肉以腰分地天藏府
應音律經絡貫源泉江河漳潔流夫豈可涸焉
古聖作醪醴服之斯萬全後來止酒徒托辭匪
真詮奈何屏杯杓委腹爲枯田數升下喉隴反
若湯沸煎陷河湧越雋谷水淪由拳此如囊裏
漿暴下乃得痊及其潤旣燥百骸自安便金平

水靜順豈復重崩騫來朝生且住剩有叉頭錢
再爲生解醒清聖濁亦賢不聞朔風號雪虐層
冰堅地爐擁終日與我常周旋

寒夜集古藤書屋分賦得火箸

我昔誦茶經其具有火筴圓直無惹臺脩長過
銅鋌是物最末微尋常付竈妾偶爲桑苧詮詎
錄香山帖自來京城居七度脫林葉窮陰朔風
號聚沙眯樓堞南人氣柔脆土炕意不愜瑾戶
類蟄虫曲身苦跣摺握火置甌爐聊以熨胸脅
燕俗饒粟薪市者病遠涉虛傳紅螺產罕致白

炭竄爆急燎竄鬚烟騰淚棲睫箸也誠要需取
用便指捻制以偶勝竒力惟同乃協出入炎燄
中身手洵趨捷有若赴敵場擒馘恣所挾峙立
必雙聳倒臥亦並接須臾不相離無以異鷓鴣
畱之載都籃配以紙糊箠持喻同心人歲寒入
吟篋

騰笑集

卷二

與化李先生 清壽詩

世事有屈必有伸吾思遜國忠節臣詔書張目
不肯草何得復作叩頭人一時史筆授曲學壯
夫氣短懦夫嗔褒忠之典歲久闕草野論議徒
紛綸棗園先生家海澹早成進士官於鄞掖垣
竹埤歷八舍抗疏豈憚批龍鱗曾聞過江上封
事神人觀聽交權忻方黃鐵練名盡易榜祠木
末金川新電光石火雖暫照猶勝霧霧窮塵
傳之百世終不湮先生用意良苦辛邇來閉戶

古詩二

三十載著書更比當年勤東京舊事孟元老北
盟新編徐夢莘藏之名山自怡悅使者徵索推
蒲輪先生穩臥南溪濱白蕉之衫紫荷巾三詔
六聘催未起衙門但與沙鷗親年今八十能抱
真齒兒髮秀日綠筋立譚古昔猶斷斷玉堂才
子念明發四月正及懸弧辰袖懷蟠桃五寸核
目送海鶴千里津棗園池水風漣淪闌藥四照
花如茵五加皮酒粥面厚鳴薑鱠鯉羅兼珍烏
衣不改王謝里一門羣從稱觴頻古來傳經藉
遺老耆儒往往上壽臻不見張蒼伏勝暨轅固

博士江翁杜子春

和田郎中

雲

移居韵

道南道北書一車田郎與我齊移家月俸雖分
五斗粟相呼野性同麀麀濁醪盈杯注涑水煖
湯濯足歌彭衙風簾無額星炯碎短堦縱葺仍
天斜牕前喜有兩棗樹凝想滿眼他時花誦子
山薑詩句爽有若暝坐翻金鴉盤空硬語和未
穩月黑漏鼓鼕鼕搥布衾不睡我亦爾牽牛獨
處嗤媯媯

雷琴篇送張僉事

衡

視學浙江

杜子美詩有彭衙行

琴工昔數蜀雷氏曰霄曰儼攻斲良吳中鏢越
出其下琴牋琴史分低昂于春以後不可見殘
徽斷軫誰能藏水部先生求得之有文在腹但
一行其文刻作大唐字摩挲百過聲殷牀鳳膠
輕滑蛇跼碎藍脅焦尾差足方粉闈退食每示
客握蘭之手頻攜將元音導德追太古母乃指
泐傳師襄昨捧 墨詔出宣室

帝命視學吳越疆衣錦軍迴漸江曲軒牕淥飲
西湖光使君到日啟文苑博士弟子巡膠庠大
小雅材一百五長清短側調宮商以管定聲有

準度抑繁揚雅多鏗鏘侶教起衰返正始持此
琴理司文章吾聞進賢蒙上賞他年卿寺看迴
翔待作聖王得人頌奏諸清廟登明堂

題汪檢討

精

乘風破浪圖

汪君才地何崢嶸直與東馬巖徐并一朝銜
命使絕域瀕行封事上 九閩乞降
御筆示海外永使荒服輸其誠僉曰不可
帝曰可濃墨大字搖光晶

天子臨軒賜顏色容臺諫院那得爭琅函錦題
國門出車前騶唱揚三旌麒麟之袍繡織成青

絲絡馬雙鞚。纓被以重。罽紅猩猩。南浮江淮。達
閩越。長風五月。沙雨晴天。妃廟前。醜酒行。舵樓
語。咲潮已生。梅花洋東。天水黑。但見日月星辰。
明一夫危檣。赤脚撐。捷如山木。騰鼉鼉。百夫仰
望。目盡。瞠峭帆。風飽弓在檠。又如張翼。鷲鳥征
有時。吟嘯訝瓶笙。千人同舟。一心力。不此吳越
交相傾。巨魚長似金背鯨。揚鬣前導。莫敢撓。滿
空霜禽飛。且鳴黃衣蝶。翅方鸚。庚昏波忽拔。馬
蛟穴。靜夜或睽。驪龍睛。潮鷄報曉。鼉報更。三日
竟指中山城。中山君長。搓手迎道旁。張樂聲。琤

琤傾城。士女堵牆立。笄皮笠。重蕉衫。輕叢筠。夾
岸烟梢平。佛桑花開白。紫頰日長。使館坐無事。
圍碁隔院聞。楸枰銀光。研紙百幅。呈詩篇。或與
沙門賡愛君。臨池用筆。精艸書。不減張伯英。八
分遠過梁昇卿。宣尼新宮碑。一丈高。文摹勒。傍
兩楹。更聞島中田。少畊。寶筵日日羅。香杭佳酥
之魚。翠釜烹香螺。勸酒粘綠餠。模糊深。椀山諸
羨遐。陬風土正不惡。亦有花藥同。揚荆歸。艤仍
以鍼。計程往還。七見蟾蜍盈。君來詣。闕因陳
情。請假讀禮。旋書棚。却金復荷。去。好。青。新。

主恩賜投牒翻來遷秩榮憶昨送君秋氣清纔
 逾一暑入帝京金門咫尺我顛蹶君乃萬里
 來蓬瀛披曷雪浪看尚驚眼花欲眩心怦怦耳
 中彷彿波濤聲粉精墨妙誰經營恍疑博望星
 槎橫我歌長句揮散卓青雲敢附千秋名
 送少詹王先生士植代祀南海兼懷梁
 孝廉佩蘭屈處士大均陳處士恭尹
 今年天子省方岳詔祀四瀆封五山屬車先行
 上日觀使者分命辭星班先生儲端午遷秩

今臣自奉南海
 石印本

誕持龍節臨百蠻維南有海祝融宅沐浴日月
 神所寰吾昔踰嶺謁祠下嘔啞門啟金獸鑲木
 棉陰濃畫壁冷銅鼓雨漬苔花斑模糊穹碑蝕
 歲月夾侍秘怪殊鬚鬢鬣帆歛忽颶母惡珠宮
 貝闕罕得扳布還先生到日陳祝册扶胥渡口
 黃木灣雙崖斷若青玉玦小海大海波漩濘綾
 袍織成孔雀翠綵旗飄颭芙蓉殷神絃安歌合
 竽瑟巫覡屢舞搖花鬘牲肥酒香百靈悅旋臚
 奮權渡無艱乾坤端倪盡軒豁鱷魚遠徙除陰
 姦五羊仙城六榕寺劉王花塢恣廻環况有尉

侂臺畔樓晴闌百尺眺高閒人家兩岸種紅豆
芳艸一叢飛白鷗荔支洲邊少黃葉菖蒲澗曲
多青菅江蕉成林乳滴滴山鳥挾子鳴啾啾珠
娘搖櫓蟹子唱小舫亦足開襟顏先生賦才媿
羣雅得句豈獨驚愚孱古來時巡必望秩書有
帝典頌有般蚺蛉毛筆鸚鵡視輜軒所采誰能
刪郵籤雖越一萬里計程七月當來還河水未
合日南至虛溝橋水流崢嶸四牡光華送行邁
車前騶唱難牽攀最愁執手河梁人歸時穩臥
柴荆關南園舊友倘無恙尺書報我吳會間

題王叔楚墨竹爲家上舍

載震賦

畫家畫竹專用墨李波文同已難得後來能事
吳仲圭橫斜曲直無端倪誰爲此圖王叔楚意
象豈必全師古竹枝大者一尺強其餘瑣細抽
風篁山泉泠泠走石罅可惜無人坐銷夏潛江
主人購得之索我點筆題新詩吾家長水一茅
屋北垞南垞都是竹每憶園林燒笋時不戀樹
雞及榆肉海陵曹岳爲我畫作圖藥爐茗椀書
籤厨年來松菊成榛蕪對此臨風一惆悵歸與
歸與范蠡湖

送田少參雯之楚分韵得江字

前年白下君送我臨當解纜拔柳椿勞勞亭子
惜分袂津吏伐鼓聲逢逢今年燕市我送君西
山積雪連崆峒夕陽欲落猶未落返景倒射紅
油牕人生會難別苦易君又乘傳熊渠邦川涂
迢遞四千里計程涉濟河淮江翻飛蒼鷹且莫
致攬環結珮何時雙深杯當前宜縱飲滿貯獸
火傾羊腔坐中曹貞吉謝重輝闔奇句掉險類
舞都盧撞譬諸官商迭相奏竽瑟控榻紛瑋攢
君亦錄別畱新詩偏師一出長城降古來文人

志開濟豈必翰墨驚冥憇邇者七澤罷兵革燒
畚買犢齊耕糗芻芟米粟待輸輓宮數稷耗爭
牽扛有時清暇集叅佐赤闌湖口浮舲艘雄風
颯然蘋末至怒濤直指臺根撞武昌魚泔十千
尾宜城酒醞二百缸維藩樹屏昔所重快意不
在張牙幢吾今謫官一無事思從楚客搴蘭芷
題襟漢上許酬和他日抽帆偃畫杠

題李檢討澄中濯足圖

我昔左海遊曾爲東武客夕陽一騎人不知馬
耳晴峯照金碧夢想青蓮五朶開雩泉百折流

潞洞當時濯足若逢爾笋鞵桐帽忘歸來携手
日上超然臺

柳巷杏花歌同嚴中允繩孫錢編修中

諧作

頻年住帝里一山一水何曾經有若蝸負殼
又若鳥剪翎疾風揚沙卷花去眼看春事如流
星邇來罷官居肆意尋郊垆朝從潞河還犯卯
酒未醒晨過宋使君雙橋東偏柳巷北小寒食
後微雨零偕行者二子各各駐輿丁杏梢含苞
猶未白柳條踈地今漸青晴絲冉冉香細細卑

穀犬蝦蟇也

枝嫋嫋高婷婷村童灌畦愛看客轆轤井架雙
銅餅種花此地已難得那不更縛香茅亭江鄉
爾時春愈好西神山下泉泠泠閭門游人連臂
出筠車十里填支礪只如南湖亦不惡桑鳩穀
犬聲可聽紫荷花艸雜坐臥燕來竹笋生於屨
人生還家貧亦足何苦晨夕勞其形吾儕田廬
况不遠峭帆柔櫓凌廻汀都籃兼携茶酒具悶
拓小眼紅牕櫺吳歛越吟相繼和五日十日恣
畱停念此令人反惆悵夕陽四顧塵冥冥

秋涇行寄吳秀才

周瑾

秋涇水上有落帆短亭子。渡頭橫跨百尺橋。蟹
舍漁村合成市。吳郎門對涇水流。花南有堂北
有樓。吾來襍被過信宿。三日五日常淹留。泔魚
倒臘甕。量酒傾新篘。君詩老蒼賦溫麗。有才如
此翻不第。蘆簾紙閣歷歲年。穉子蓬頭婦椎髻。
婦爲吾妹子。吾甥薄田涇上麓。可耕掃除肯作
一室計。汗漫寧爲千里行。相憐童稚情親早。旅
食京華吾潦倒。昨者有客來武陽。傳說容顏君
不老。人生六十猶未衰。樽前只合開懷抱。何況
騷人屈初度。燈火上元時。最好歌長歌。書草書

知君發函伸紙還。軒渠吾今妻子返。里閭明年
歸乘轂。鯨車君還秋涇定何日。相期近結比隣
居。

嘉禾篇頌張夫子

康熙二十三年冬

天子將登日觀峯。十行詔下軫三農。薄徭放
稅寬租庸。南徐夫子小隊從。天廡賜馬繡纏
鬃。先時水旱頻告凶。北達河泲東維澠。晨炊不
舉夜不春。夫子下車憂懣懣。請發倉粟救鞠誼。
鄉師爲粥吏佐饗。饑者得食皆歡悰。有如雁唼

魚○噲○喁○土○鼓○賽○社○聲○粲○粲○服○田○力○穡○不○敢○慵○甃
 麥○既○登○種○稂○種○冷○風○時○至○甘○雨○濃○生○我○嘉○穀○黑
 白○彤○一○莖○乃○見○抽○三○穉○露○苗○珠○綴○花○惺○忪○照○以
 澹○月○涼○溶○溶○下○有○溝○水○鳴○琤○淙○耕○夫○饁○婦○齊○動
 容○襁○負○稚○子○行○歷○蚤○百○年○野○老○訝○未○逢○載○筐○及
 簞○包○以○粽○來○告○節○使○獻○九○重○般○般○者○歎○宛○宛
 龍○連○理○之○木○蟠○枝○松○玉○芝○紫○脫○青○芙蓉○未○若○茲
 禾○和○氣○鍾○靈○苗○駢○駢○芒○茸○茸○八○月○其○穫○崇○如○墉
 輸○之○天○庾○惟○正○供○我○聞○樂○事○舒○心○胃○大○賢○美
 政○孰○比○蹤○不○貧○為○寶○民○吏○宗

主聖臣良時乃雍五風十雨殊乾封

高處士兆方處士中德陳上舍治將歸

過集古藤書屋同陸處士嘉淑魏上舍

坤八韻賦長歌送別得要字

我○携○家○具○海○波○寺○九○月○未○槁○青○藤○苗○夕○陽○倒○景
 射○欒○柳○此○時○孤○坐○不○自○聊○故○人○遠○別○齊○過○我○謂
 言○分○手○當○來○朝○或○還○東○江○陸○瑁○宅○或○渡○南○浦○江
 淹○橋○龍○眠○一○叟○幡○然○回○斧○柯○無○恙○山○中○樵○金○臺
 酒○伴○難○悉○數○隨○意○牽○拂○相○招○要○林○衣○滿○地○席○帽
 脫○畫○不○絕○筆○書○能○超○吳○船○恰○到○麴○車○響○甕○頭○乍

嵬輕塵。搖匏尊。屢空。鴈盡。覆。豈必。柴。汝官。哥。壑。
南中風物。試細論。歸值。稻米。蒸長。腰披。綿黃。雀。
切玉。鱸羞。勝北地。肥羊。燒我。今已。解腰。下組。羸。
馬且免。晨趨。朝夜。如何。其判。促膝。秋。牕。須。盡。燭。
一條。人生。合。并。苦。不。易。後。會。久。速。誰。能。料。明。年。
吾亦。掉頭。去。石田。茅屋。恣。逍遙。倘。能。訪。我。長。水。
曲。相。畱。浮。白。還。炊。彪。

驄馬行送任御史明視醴長蘆

春明門。東驄馬。嘶。奚官。新。鑿。碧。玉。蹄。紫。茸。鞞。鞞。
錦障。泥。使。者。衣。繡。行。長。隄。寒。花。露。艸。煙。萋。萋。千。

樹萬樹。楊柳。低。津門。此去。三百里。來朝。定。指。西。
沽西。長蘆。鹽。筴。通。青。齊。君。今。乘。驄。按。左。海。章。綬。
不殊。還會。稽。我歌。驄馬。行。君騎。驄馬。去。明年。策。
馬來。春明。應。記。今。朝。送。行。處。

送梁孝廉佩蘭還南海

合昏。花。開。暑。雨。微。故。人。畱。君。解。驂。駢。謂納臘侍
合昏。花。謝。故。人。死。燕。市。酒。徒。看。漸。稀。秋。林。卷。蘂。
百卉。腓。籬。根。細。菊。圓。如。璣。北。風。蕭。蕭。南。雁。飛。蟄。
蟲窮。鳥。相。因。依。此。時。欲。別。不。忍。別。馬。行。踉。踟。循。
郊。圻。把。杯。勸。君。君。莫。揮。執。手。語。君。君。莫。違。男。兒。

貧賤亦常事。故鄉得歸姑且歸。吾今捐珮也當去。免使同學翻攢譏。遠遊汗漫計亦得。他年訪爾白板扉。舊交陳恭尹。屈大均。况無恙。相與散策。援林霏。盡脫苛禮。消塵機。龍瀧下。上濯我足。石樓小。大振我衣。乳蕉子。黃荔子。緋馬甲。柱脆紅螺肥。榕陰一畝竹。十圍南園。可以恣酬和詩。卷無人論是非。

題王給事

又巨

過嶺詩集

邵陽王郎。妍羣雅掖。垣退食吟。最工關西作者。僕指數比於二李。檢討因薦誰趨。雄。昨。年。使。車。

踰嶺表。笙歌鹿鳴聽。乍終滿城象。犀忽不顧迎。潮直渡東官。東循州洞天。福地兩羅浮。近與泉源通。晴峯四百三十二。一捧出青蓮。蓬砂床泥融。坐啞席竹葉。篆古書秋蟲。千年鹿跑草淺淺。五色雀舞花濛濛。盤游飢罷石樓去。羣仙或請銘新宮。偕行况有屈道士。大均留題肯使莓墻空。此鄉寶玉人所羨。珠圓貝紫珊瑚紅。王郎歸裝乏長物。僅束詩卷藏髹筒。解船下瀧指湖口。餘興復入匡山中。僧房五百恣登歷。短筇輕屐隨樵童。三條石梁貫員闕。一匹瀑布拖長虹。

王郎得句轉清越。墨花漬壁磨鉛銅。携來都亭
會。幾日傳抄奚啻十數公。要知能事久服習。矢
人之矢。弓人弓。邇來詩格乖正始。學宋體製嗤
唐風。江西宗派各流別。吾先無取黃涪翁。比聞
王郎意亦爾。助我張目振凡聾。覽茲過嶺集百
過。豈有癡垢堪芟礪。往時屈道士游越山行水
汎。酬和同自從判袂廣武北。十載夢寐懸江楓。
冲虛觀前斗壇在。可有鄧嶽留葛洪。投詩王郎
并寄屈。惜無萬里南飛鴻。

偶成

三月東風何太狂。塵沙黯黯天茫茫。主人十日
不出戶。空園花落無丁香。老年逢春須愛惜。悔
不走馬看花忙。無事獨坐宣武坊。吾家茅屋長
水旁。舍南有池。舍北塘。荷花草紫。油菜黃。鱸魚
上鉤。四寸強。矮貓笋肥。錦襦脫新蠶。豆熟青莢
長。客何爲不歸。故鄉好約比隣沈。十二進薔薇
架底醉壺觴。

紫藤花下醉歌偕同寓諸君賦

客舍紫藤長數尋。髮蔓年多半枯槁。往歲丰茸
莖太密。花事去春翻草草。今年二月呼園丁。三

百銅錢費除掃雖然芟後花較遲漸見含苞同
蕨腦檐牙朽株換棚格井牀新汲傳栲栳絜
低垂香細細遊絲不動日杲杲鈎簾忽驚啁雀
去仰面生憎土蠶抱越州老酒吳船來小榼偏
提恣傾倒頭銜久矣脫朝簿那問鼙鼙鼓昏早
惜哉筋力日已疲惟有花前不知老停杯還憶
故鄉路亂水穿沙入裴島千章古木藤纏身飄
落繁英滿衫襖明年期爾橫漲橋查上舍弟柔
櫓嘔啞撥萍藻綠陰共聽黃栗留醉臥檣頭船
更好

喬侍讀萊一峯草堂看花歌同陸嘉淑

周箕姜宸英錢金甫孫致彌查嗣璉湯

右魯陳曾毅賦

疾風經旬不出戶獨客懶過三眠蠶今朝風定
塵塋減女墻翠湧西山嵐修門池館綴金碧鏤
柵未許停羸驂主人新拓百弓地中園卉木吾
舊諳天桃濃杏雖已落海棠乍坼丁香含初疑
徑闢過者少早有勝侶齊幽探新松四尺挂席
帽炙具一束携荆籃絲頭毯展午陰直婪尾杯
泛冬醪甘今年春較去年晚花信十猶餘二三

長紅小白枝尚亞雄蜂雌蝶飛相叅酒闌回憶
壯年事於此晨夕朋盍簪燒菴甕頭臥畢卓蠟
板曲子歌何戡滿墀明月露濯濯繞屋垂柳絲
穠穠十餘年來五易主魚牀潦盡成枯潭茅亭
崩剝泥暗裂有若燕子畱空龕仙源重過豈易
得惜花老去心逾貪韶光三月忽已盡牡丹將
吐房山南綠囊紅襪水精域鹿女微笑狸奴酣
杓期雙屐着謝客更借一鶴騎盧耽諸君偕游
恐不遂試與二老評花擔

謂周陸
二子

贈許容

今之官印古璽節漢制斗檢封畧同周秦以來
鑄私印往往撥蠟銷金銅會稽王冕易以石細
切花乳桃皮紅青田山根凍玉劖稷下里石舊
穴空羊求休嫩大松老其餘獬豸不可礮往時
長洲文博士刻石頗有松雪風墨林天籟閣書
畫以別真偽鈴始終吾生好奇頗嗜此碑礪犀
象羅笥中徐貞木亡鄭植天尚有程邃畱江東
故人衰病遠莫致縱饒玉石何人攻如臯許容
近過我手出圖譜重錦蒙古文離離雜鍾鼎爾
雅一一詮魚虫乃知六書得其故大小繆篆能

兼通相斯史籀各具體左蟠右屈何妍工合肥
尚書龔端毅公最賞擊紛紛朝士傾詩筒吁嗟
萬里十年別一官不達翻途窮低眉強隨抱關
吏失足幾陷蛟人宮重來歎息舊遊盡酒錢燕
市何由充容今髮白我耳聾瓜牛舍近地百弓
日長莫學打睡翁相邀硬筆寫獵碣夫豈不如
薛尚功

題程侍郎江山卧遊圖

啓禎之際南北派書有董米畫崔陳青溪先生
起奪席二者並妙稱絕倫一水一石弗漫與尺

幅價值雙鳥銀今觀此圖着色老筆與黃鶴山
樵親蒼茫又類井西作林霏掩靄泉洄淪近來
倣古求貌似疊石細碎添苔勻先生畫意不畫
象驅使二子窮其神雲霞石淙開四面一一鼠
尾丁頭皴山根木閣看最好安得買斷居河滸
四門博士重手澤請我跋尾歲在寅其冬偷兒
鑿我壁室無泉布床無茵惟存文史五千卷手
摩插架揶揄頻此圖幾失幸不失畱置愛玩綿
冬春朝來灑墨賦長句書報博士遲無嗔

題周編修金然雲松雪瀑圖

編修與予有結隣洞

庭山之約

越縑八尺誰所畫雪瀑亂灑長松梢中有科頭
 人獨坐盤石均注目一疋練昏泉一勺炮斯人
 豈宜在巖壑或者避俗憎喧譁我生山水性夙
 嗜十年誤把田園拋移家欲果洞庭約擬先縛
 屋三重茅莫釐峰高踏月上靈威洞古探書鈔
 楊梅滿村鶴頂賤橘柚落樹筠籠包茲山從無
 蛇虎雉但有魚鱗蝦登庖雨前茶芽舌比雀籬
 下竹筍頭如貓閒房恣意任選擇樂土不用分
 肥磽先生方充記言史朶殿直入穿雲旂曰歸

正恐歸未得磨錢枉費占羲爻耕田定須沮溺
 耦開徑可少求羊交終當乞取鑑湖曲庶免怨
 鶴驚猿嘲

河豚歌

天津之水連北溟七十二沽漩迴汀漁師乘春
 漾極浦舳舻葉葉輕於萍河豚此時舉網得活
 東小大同賦形賣不直錢棄可惜堆置更比凡
 魚腥南人見之莞爾咲是物足勝通侯鯖葦蒲
 束取十百輩馬馱車載兼手拎晨興主人食指
 動忽覩兩縛陳吾庭客來疾呼莫莫亟當投

昇煩叮嚀食熊者肥食鼃瘦豆令人重榆則瞑
彼猶無傷此獨甚犯之不異衝鈴釘主人語客
且安坐吾言物理君試聽人生一死各有候非
英棗華木葉零卽如飲啄亦分定鼎腹豈必堅
關扃雖云甘脆腐腸藥不聞茹藿長延齡茲魚
信毒種乃別臑胸有法食有經或如燕子尾涎
涎或如束帶腰黃鞋今之饋者皆不爾安用荷
錘埋丘冥抉睛刮膜漉出血如鱉去醜魚乙丁
磨刀霍霍切作片井華水沃雙銅餅薑牙調辛
橄欖醱荻筍抽白萋蒿青日長風和竈觚淨織

塵不到晴窓檣重羅之麪生醬和凝視滓汁仍
清冷吾生年命匪在卯奚爲舌縮箸蠲停西施
乳滑恣教齧索卽酒醖未願醒入脣美味縱快
意累客坐久心方寧起看墻東杏花放橫參七
點昏中星

送吳御史震方還里

去年今上書拜手兮青蒲今春兮未暮乘白駒
兮下通潞酌酒兮臨風攬子祛兮城東申之兮
歎曲客無爲兮匆匆泛牖河兮千里不如子之
車兮莫或敢柅望江關兮兩旗不如子之馬兮

莫或敢維。囊無一物。今旋故土。將津吏。今無怒。

其二

瞻衡宇兮欣欣。數鄉樹兮歷歷。慰慈母兮倚閭。御輕軒兮布席。妾掃蠶兮臂筐。童呼牛兮腰笛。麥秋兮梅暑。烟舟兮雨展。罷遠遊兮屈平。師近遊兮束皙。逝將歸兮由拳。樂與子兮晨夕。

此句新翻
竹窗
之也

騰笑集卷三

今體詩一

夏日瀛臺侍直紀事六首

瀛臺
暗水三橋出。明星萬戶開。玉堂鈴索動。宣喚入

宿葦多於薺。涼沙白似冰。隴隴深樹裏。忽露九
枝燈。

麗草雲根潤。風花鳥下香。蓬萊今始到。真在水
中央。

太液新蓮葯。金盤曲宴初。君恩念蠲渴。先賜馬相如。

螭首濡毫罷。蛾眉散直歸。爐烟香未歇。荷氣復侵衣。

紫籟千花露。金塘萬柳條。牽留容左史。徐度赤闌橋。

柳林醉歸馬上作

碧柳圍成圃。紅魚種滿池。山翁接離倒。未遣葛疆知。

周上舍篁李秀才我郊夜過

溲酒凍春碧。萊雞蒸栗黃。醉眠無不可。西舍有繩牀。

彭城道中詠古二首

舊社粉榆改。寒雲苾碭收。北風吹野燒。飛度斬蛇溝。

博浪飛椎後。圯橋進履年。無人知偶語。况有素書傳。

臨淮口號

鮮鯽臨淮美。傳聞尺半強。祇供津吏索。不放老夫嘗。

鄭州題壁

水濶漁村渡。春寒酒旆風。河間多姪女。若個數

錢工

李檢討澄中紺園雜詠六首

荷陂

風過蓮葉香日出釣船去不聞雞犬聲但有鷓鴣語

柳浪

斷岸綠楊齊濃陰覆水低東風吹太急扶起過橋西

綠水軒

軒中獨木几檻外獨木橋際夜沙月明蘆荻風

蕭蕭

會心亭

雜卉秋尚開淺莎晴可坐於此獨寤言浮榮等糠莖

鏡香樓

吾里鏡香亭君家鏡香樓滿池鴛鴦浴四面芙蓉秋

松風臺

山月無片雲夜半松風起欲寫入瑤琴風聲吹不已

宋僉事 華園亭雜詠六首

波村

照碧堂前水分流，
穉村築場移碌礪。
繫艇到

籬門

芟梁

背郭十畝園，
滿陂種水粟。
浴鳥游清冷，
人語忽飛出。

釣家

芙蓉以為裳，
女蘿以為帶。
釣魚師得魚，
沽酒夕陽外。

和松菴

微風起中林，
調我松下琴。
黯黯太古色，
泠泠太古音。

放鴨亭

渚荇抽新碧，
園桃吐小紅。
莎亭長日坐，
不引竹枝弓。

緯蕭草堂

草堂何所營，
志蟹譜漁具。
夜分汀火紅，
點點出深樹。

社日二首

幾日社公雨，芹泥香滿汀。生憎飛燕至，不放海東青。
海東青，畏燕子見。歐陽原功詞。

藥甲何曾碧，花枝亦未紅。治龔有方法，只恨酒錢空。

瓊華島

良嶽移花石，離宮枕玉河。年年御溝葉，相送麴塵波。
島石相傳，金人自汴移此。

自禁垣徙居宣武門外，
韶許携家具，書難定客蹤。誰憐春夢斷，猶聽隔城鐘。

淨業寺看荷花，
香剎緣隄轉，官橋信水流。綠雲千萬頃，不見采蓮舟。
嚴四檢討，繩孫作。

送查上舍昇之湖口

爾去彭湖口，香鑪對客窗。潮痕灌嬰井，果否應潯江。

送高騫之東嘉二首

仙人朱孺子，枸杞斲長鑱。爾去訪遺跡，題詩大若巖。

我昔東嘉游，姑負小杭州。須尋十八寺，宴坐大

龍湫

懷王進士煜

人日梅花落懷君過嶺時安牀紅豆底日日坐
相思

送顧進士永年南歸

曲江游讌罷轉眼一年春此日書驢券仍同下
第八

落日

落日新西嶺驚沙卷北風今年春已半猶有未
歸鴻

遲湯上舍右曾不至

檉葉綠如繖藤花紫滿簷望君君不至惆悵下
廳簾

得李上舍秀南郡書

爨有温瓶火門無計吏車銀鱗三十六且食武
昌魚

為喬侍讀題畫二首

買斷西濛港湖田二頃餘應同尹都尉暇便著
農書

三百臨安樹移來種水濱如何濃綠底不見採

桑人

燕京郊西雜詠同諸君分賦

十八盤

香山十八盤盤盤種松柏惟見獨行僧稀逢采樵客

高粱河

高粱寒食時昔年盛游冶隔水百重花長堤兩走馬

釣臺

儵魚千百頭湖水二三尺有時溪雲生不見釣

臺石

君子城

吾笑石季龍爾何知好士羅致山城中哀哉數君子

芙蓉殿

雕宮委礪磔暗粉剝莓苔想見明昌日芙蓉殿脚開

黃牛岡

亂石侵花當奔沙擁樹根黃牛岡上月橫笛過前邨

香水院

壞磴接雲根，流泉來樹底。宛轉入僧厨，淙淙鳴不已。

夾山寺

一山
禪枝帝谷鳥，忍草護松關。偶入樵人徑，桃花又一山。

舊山

石甕久已徙，青山仍舊名。去都無一舍，已覺旅塵清。

騰笑集卷四

今體詩二

為姜宸英題畫

潞水秋風上短槎，日湖南望水雲賒。空教天子知名字，不賦長楊賦白華。

贈別梅庚三首

宛陵才子數都官，似爾清詩和者難。猶記春遊潭柘寺，下方點筆到層欄。

東田西曲我曾居，擬向茅山讀道書。此意沉吟三歲久，送君南去轉躊躇。

谿山重疊細泉分，畫手出來最軟羣。輸與田郎

与起子序

團扇好秋。牕看寫敬亭雲。謂學使

題王舍人嗣槐西山游記三首

三年索米住長安。咫尺雲峯欲上難。讀罷高文

但西笑。開簾試隔女牆看。

虛師說法已干霜。石上松猶四尺強。我亦曾尋

二龍子。夕陰點筆在莓牆。

上方絕磴最嶄巖。花藥春叢靜不芟。六聘山中

三日住。輪君秉燭入空嵌。

送徐中允秉義假還崑山六首

紫陌春晴匹馬歸。清江南下一帆飛。人生半百

且適意。未見朝衫勝芟衣。

經義紛綸致異同。誰能閉戶軟塵中。著書終讓

名山好。輸與周南太史公。

舊侶荆高對酒頻。香螺畫榼五冬春。獨醒客去

無堅坐。臥甕憑誰捉醉人。

石湖居士范成大。金粟山人顧阿瑛。歸向東吳

無箇事。畱賓題遍草堂名。

爛熳厨烟煮野蔬。菘根秋末韭春初。到家一事

差堪惜。不食松江巨口魚。中允性不食魚

淥波碧草望中遙。劉井柯亭轉寂寥。他日歸帆

下吳苑先携竹杖訪平橋

送宋僉事犖之官通路四首

十里鶯花露輞前慶豐牌水得漁船莫嫌一出

春明遠猶是城東尺五天

中盤曾聽佛樓鐘按部重登紫蓋峯料得使君

吟興發塞門百道走紅龍

漁陽松繖寶坻魚漚酒吳船味不如更憶昔年

移柳在濃陰輸爾畫簾餘

白馬銀鞍紫絡纓引弓曾傍屬車行為郎未

宋曾官侍衛

題高侍讀江村圖二首

菊磧疎寮舊跡存畫圖彷彿見江村雙橋儘許

通舟楫他日柳陰來叩門

杜甫南隣有朱老吾將徙宅問東家水邊沙際

閒田濶添種鴨桃千樹花

為王祭酒士稹題畫冊二首

許山灤口水模糊穉柳天桃何處無他日雪堂

畱客逕不難疏鑿擬西湖

寒江窠石早梅舒此地仙居也不如但恐瀑泉

侵案濕小牕催徙讀殘書

題畫羅漢

梅生小十六羅漢。筆力遠勝盧楞伽。我題此幅更奇絕。人影瘦於枯木杳。

題曹舍人

鈞松下携琴圖二首

少年黃海說曾經。愛向松根煮茯苓。試問携琴舊童子。絃桐石上許誰聽。

湏酒深杯飲欲盡。戒壇涼月上還遲。昔遊如夢已難續。轉憶山齋並坐時。

送張

遠

之桂林二首

濯枝新雨玉河隄。送客遙尋五筦西。自是駢鸞

逐仙侶。緇塵不上錦障泥。

星郵南指伏波巖。路轉衡山九面帆。吟到相思江上好。綠榕樹底紫蕉衫。

唐

岳藤花為汪主事

懋麟

題

主人百尺梧桐閣。只少藤枝踈地垂。畫出風前珠一索。看花最愛日長時。

披圖轉憶少年遊。亂水東西放鶴洲。萬樹濃陰花縷結。惺忪香雨釣船頭。

魏世倣

自贛入燕歸遊三楚詩以贈之

每憶金精天外峯。易堂書卷閱春冬。竹林舊侶

嗟零落喜見青雲阮仲容

花前未倒白醅缸欲逐新鴻汎楚江九面衡湘
帆轉處醉吟小舫拓紅牕

同里李符游於滇遇碧雞山道士謂曰

子前身廬山行腳僧也後十年當仍歸

廬山符乃畫廬山行腳圖俾予題詩二

首

畫裏分明廬岳僧雲峯有約十年登江湖到處
勾畱住看爾入山能不能

桃鄉一望水接藍擬結隣居共釣潭休信碧雞

狂道士閒拋老屋在花南

題龔主事翔麟西湖雨汎圖二首

茶檣酒幔靜無隣鏡面平波碾濕銀回憶少年
歌舞誤烏篷不作獨吟人

蓴絲菱葉浸魚天十里湖山思悄然疎雨夜眠
聽亦好莫因月黑便回船

題李檢討澄中所藏明月蘆鴈圖二首

吾家水閣傍江斜風荻侵簷一丈花連鴈低飛
渾不見祇聽拍拍響圓沙

遠岸風微宿雨殘天邊忽湧爛銀盤盧河橋畔

秋容好比似南湖一曲看

送高檢討還宛陵二首

賦草相如未易過金門無那倦游何誰知淪落

棲遲意匹馬還山興已多

頻年簪筆禁林遊薛稷曾無畫鶴畱歸去宣

州尋散卓雲山恣寫敬亭秋

再題高學士江村圖二首

荒茅結屋短墻垣不似金坡學士園只合年年

借儂住漁竿漁網插溪門

勾吳嚴四畫難得比似菰村境復殊他日平泉

對真景憑誰更寫第三圖

題汪贊善讀書秋樹根圖三首

千官仗下列蛾眉東馬嚴徐獻賦時安有斯人

坐雲壑披圖真笑虎頭癡

風林但有石泉聲坐久不聞一鳥鳴縱使滿頭

秋葉舞無妨盡掃入茶鐺

吾家長水塘南宅改歲歸田共爾期百里輕帆

恣來往借書一紙還一紙

題吳徵君詩卷二首

藉甚吳郎大雅材賦詩不上栢梁臺飛却似

橫汾鴈幾度秋風上苑來
三晉風騷雜僞真遺山歿後更無人把君行卷
誰堪並除是番禺屈大均

題畫

桐葉苔衣晚翠含繩床羽扇罷幽探牀頭不畫
鷓鴣杓知是新涼酒半酣

和韻題惠

周惕

紅豆書莊圖五首

離離紅豆映空亭裊裊牽牛上短屏最愛舍南
風幔卷高城不隔遠山青
粥魚茶板近松門夕照雙浮塔影存一入畫圖

看便好城居僻似沈尤村

全家擬汎酒城東已分生涯釣叟同他日招邀

葑田北一帆風飽似張弓

羣雅之材一百五說詩匡鼎未應過老夫也擬

刪箋注點墨研朱柰嬾何

吳船歸及早梅春淨洗東華裋褐塵我亦踏沙

旋放溜來尋北郭十詩人

題東浦學耕圖二首

上書空敝黑貂歸賣賦年來計漸非爭似爲農
東浦畔醉吟獨速舞蓑衣

荆軻高漸離

老我青緇懶束腰。薄田枕水傍彎橋。明年淮擬全家返也。買烏犍種楚苗。

題洪生對酒圖二首

酒庫京坊六度開。近無月奉市官醅。荆高舊侶多零落。賴爾南隣日往來。逢着騷人咲獨醒。玉山堅坐眼長青。吾衰也擬糟丘老。他日相邀注酒經。

贈別孟楷二首

老夫臥穩謝浮名。羅雀閒門少送迎。一事近來差快意。篋中詩得孟雲卿。

孟雲卿河南與杜子美元
次山交善杜詩馬偶識
雲卿面呵凍書此

碧山樂府王聖與鑑曲詩人陸務觀五百清詞
纔過眼最愁花外送歸鞍

題董尚書墨跡

三真六草董尚書。北米東邢總不如。試誦容臺好詩句。一縑肯換百碑礪。

題侯開國鳳阿山房圖三首

四先生里讀書庄。髯也經營興不忘。張華孫詩

陸經義孰居南北孰中央。謂張上舍雲章孫孝廉致彌陸徵君元輔

吾家亦有三畝宅。千個篔簹兩樹桐。輸與勾吳

歸客健滿頭白髮。帝城中

練江風物最牽懷。藥布筠筒市滿街。他日堂成須報我，便拖竹杖覓吳鞵。

題陳履端詞藁

尺書頻寄慰衰遲。裘屐風流又一時。珠玉連篇歌乍闕，么絃別譜小山詞。

丘漢陽壽詩二首

自從江漢棹歸舟。雲壑栖遲三十秋。占得釣磯臨海嶼，至今八十轉風流。

圖經七十二福地，其二乃在東楚間。先生林居鉢池近，長年不改芙蓉顏。

送方編修象瑛假歸遂安二首

駟馬橋曾走傳車，倦遊天假病相如。到家應

比長松健半畝，清陰好著書。健松編修齋名

千里霜林倚棹看，睦州詩派數方干。預期謝豹花開日，栗杖同扶上釣壇。

鱸魚同魏坤作四首

水面層排赤馬船，纖鱗巨口咲爭牽。吳娘不怕

香囊濕切作銀花，鱠可憐。

微霜一夜溷湖東，楊柳絲黃兩岸風。不信輕舟

往來疾，筠籃驗取四鰓紅。

已脫朝衫分十畊。劇憐鄉味算歸程。秋風彈指
今年誤。輸與江東老步兵。翠網干絲白玉跳。蜀薑鏤切韭新苗。背蓬圓笠
平生慣。準擬抽帆第四橋。

飲毛檢討升芳寓齋二首

城隅燒尾宴會同。六載重來就菊叢。珍重故人
今夕會。招尋猶念一漁翁。釣壇南去久離羣。不信衰顏酒易醺。改歲思尋
富春渚。先將藥籙問桐君。

題張孔目貞浮家泛宅圖二首

髯也清才壓海嶼。曾題名姓在方壺。何須不食
蓬池鱸。只愛烟波伴釣徒。漁童雙髻婢雙鬟。暇揭青篷碧玉灣。試借輕船
艤淮浦。桃花春水送儂還。

送陳上舍曾藜還杭州三首

門外驪駒莫便催。紅闌亭子上行杯。誰能北地
三年住。不憶西湖一舸迴。貓頭新笋長林扉。雉尾香蕁礙釣磯。船到水仙
祠下泊。更無塵沓藕苗衣。官閣垂楊水寺燈。域隅處處結魚罾。舊游白髮

張翰

幾人在應咲歸遲張季鷹

和胡少參題春燕圖韵四首

主人詩格似陰何分付尊前次第歌可許野雲
堂畔柳醉聽驟雨打新荷

花間夾侍有明童不讓梨園老樂工記得小山
新曲子填成一半授蓮鴻

銀燈畫榼紫蕉衫不到花源已隔凡他日金隄
畱客夜便思婀娜借吳帆

採藍短衣勝白越新譜能添笛家闕龍香鳳尾
取次彈就中誰是包明月

題項秀才奎水墨小山叢桂二首

少年席研項生同每到秋行桂樹叢今日天涯
展圖畫忽驚身是白頭翁

渡口橫橋樹杪樓緇塵相對益鄉愁江南風物
今如此誰道山中不可畱

題周恭肅公畫牛二首

白川畫龍兼畫牛遶村急雨菰蒲秋百年紙墨
黯無色雲氣溟濛猶未收

牧童橫笛吹不得背面却看溪上山記得濫溪
西去路荻花楓葉淺沙灣

陰鏗何遜杜詩試樂陰何苦
用心

題賈院判 鈺 畫荷二首

亭亭紅艷立清波。殺粉調鉛不在多。却笑崔徐
思焦悴。鷺鷥汀畔寫枯荷。
黃塵六月倦鳴鞭。苦憶中吳鴨嘴船。夢入蓬牕
聽夜雨。半江風葉枕函邊。

為魏上舍 坤 題水村圖二首

鷗波亭子趙王孫。曾為錢郎畫水村。過眼雲煙
難再覩。披圖彷彿筆踪存。
斜插魚標颺酒旗。柳陰小犬吠笆籬。歸田最是
分湖好。我亦相期作釣師。

題畫送徐檢討 鈺 還吳江二首

三高祠下水冥濛。紅蓼花香一笛風。驚起沙鷗
定相笑。黑頭未稱作漁翁。
不貪臺閣送行詩。索我尊前折柳詞。合喚菱舟
付菱女。更吹漁笛教漁兒。

九日萬柳堂同譚十一表兄 瑄 作三首

百尺金臺近可攀。城西積翠冷孱顏。自緣筋力
新來倦。九日聊尋一簣山。
鳩鵲撲鹿起晴沙。路轉平岡日已斜。較是今年
籬菊晚。秋深猶膩水蒹花。

改席踈林脫帽多半酣猶望翅車過休嘲酒戶
年來減勸客還能卷白波

題張學士

英

前輩賜金園圖四首

金海橋西小苑灣偶辭賜第放船還仙居絕

勝間丘遠割取龍眠一半山

越谿漁客東歸後千載無人乞鑑湖輸與先生

賜金換君恩歲歲蒼魚租

百里團湖冷畫屏到門二十七峯青四軒花月

隨時存不數涪翁舊日亭

橋外松篁檻下池披圖天末起相慰廿年不見

羹湖老

姚叟文燮

畫手前身李伯時

題喬侍讀小像三首

長記斜街侑酒杯千錢買得瓦盆梅何如恣倚

枕榔杖竹尾松陰雪滿堆

我亦京華久謫居懷歸只想狎樵漁秋深定果

臨岐約十笏閒房共著書

宛轉溪橋浴野鳧城隅瀟洒得重湖少年背面

休相笑樵悴何曾似左徒

奉題徐公

元文

小像三首

緇塵十丈罨東華快馬明駝轂簾車誰似先生

左徒屈原也

宋子京往見張子野張自屏
後呼曰得非紅杏枝頭春意開
尚書邪 東方朔司馬遷南
史董狐

銷夏處水亭風幔俯雲沙
鏡裡千頭菡萏紅上番移竹傍青桐縱饒褰屐
風流並未許東山老謝公
一編青竹萬蟬魚東馬南狐摠不如官燭兩條
人半臂笑他紅杏宋尚書

送劉郎中守思南二首

劉郎別我玉河灣笑縮銅符領百蠻千騎上頭
殊不惡峒花狔鳥滿溪山
中壘文章賓客詩行春題遍竹王祠郡樓四面
看山色也勝西華拄笏時

巳巳二月自古藤書屋移寓槐樹斜街

賦詩四首

穀鯨車輕簸兩輪殘書禿管雜勞薪移居絕似
村夫子寫入圖中儘笑人
莎衫桐帽海棕鞵隨分琴書占小齋老去逢春
心倍惜爲貪花市住斜街
阿戎秋去又春殘遠信封題萬里難不道衰翁
無倚著藤花又讓別人看
屠門菜市費羸驂地僻長稀過客譚一事新來
差勝舊昊天寺近井泉甘

題畫二首

宣和舊譜識徐熙猶記都官畫裏詩
二月江南看不足宛陵句也湖塘花鴨影參差

數株枯柳倚苔磯話別沙頭客未歸
多事錢唐戴文進釣師渲染着紅衣

送黃贊善

與堅

歸里四首

一曲驪歌迫歲闌慈仁松下駐歸鞍
深杯小榼休辭醉長店岡頭雪正寒

遙想抽帆上下泖梅花人日草堂開
隣翁笑指商山老曾侍東宮講席來

團溪水繞舍北流團溪花發墻東稠
先生歸去著書便日坐團溪溪上樓

誰耐京華久索居入春我亦返田廬
岳迴書屋能畱客鮮鯽須烘四寸魚

送周贊善

清原

視學浙江三首

三月長安未見花東風猶旋紫濛沙
慈仁閣下三升酒不勸離筵到日斜

蘭陔花暖日初晴萊服潘輿次第迎
幾日官程鄉路便全家催上錦軍城
同游十載爾飛揚此去湖山發興長
我是陸機

稱地主不嫌舟楫問斜塘

奉題徐副相祝園修禊卷三首

右軍但草蘭亭序不及羣賢祓禊詩
輸與先生鼠鬚筆春風一一寫烏絲

一時裙屐最風流擘紙花前點筆收
我若當年叅末坐便應罰酒似羊劉

滴珠方勝杵頭新瘦本看來妙入神
真跡祇愁容易賺莫將缸面酒畱人

蘆塘放鴨圖為查大弟嗣璉題二首

橫漲橋東宿雨殘盡驅鴨鴨出紅闌
蘆花兩岸

冷如雪十里秋容倚槳看

鴨頭老綠鴨脚黃十五五沿斜塘
不勞蜀郡

滕昌祐勾染一枝紅拒霜

送少宰張先生假旋京口八首

袞袞諸公歲九遷先生何事賦歸田
不愁關吏

饑如虎一葉官河放漕舡

便門東去柳依依一路垂絲掃石磯
青眼年年

長送客幾人生擁入騶歸

汶濟分流照畫舫中丞問俗向來經
山東父老

應傳語雙鬢依然舊日青

滴珠方勝裝潢法也杵頭即軸頭

清淮泛濫濁河淤。鴈戶飄搖少定居。厝火積薪
會上策。至今太息雒陽書。

真州柁轉卽金山。曉掛蒲帆十幅還。總是當年
釣游地。詩牌細拂蘚衣斑。

墓田丙舍鍾繇帖。京口谿山米芾居。十丈紅塵
吹不到。江樓日日倚南徐。

松丘改卜兆青烏。更按崔知悌產圖。他日相尋
艤舟處。但看門左設桑弧。

謫官酒債苦勾留。歲宴終當過潤州。笑昇籃輿
拖竹杖。春風正及舞雩遊。

崔知悌有產園少宰無子
故云○生男則設弧於門左

又題高學士江村圖

草堂又見第三圖。一一開房結構殊。異日武林
書舊事。江村應比賀家湖。

王翬老去畫尤工。橫幅吳裝仿惠崇。曾記北高
峰上望。村村風景似圖中。

魚梁蟹斲水灣環。時有溪童放犢還。對此莊窠
忽惆悵。何年歸臥六峯間。

送吳漢入太原三首

娘子關西木葉殘。煙霜回首井陘寒。馬頭不改
團團月。絕壁韓詩拂蘚看。

井州山繞岵嶠蒼桐葉祠前柏幾行蘋號長生
水難老憑君抄入篋中方
周郎在浚近在蓮花幕點筆題詩興不孤暇日
經過煩問訊硬黃曾榻石經無

題畫二首

裂帛湖流兩岸平柳陰風暖燕飛輕年光冷笑
長安客開遍山桃不出城
吾家小阮染雲藍比似王微也不慚詩罷尊前
各惆悵幾人今夜夢江南

為錢給事

晉錫題王給事原祁富春大

嶺圖二首

記得山城水閣添畫看聲裏畫垂簾還憑同省
王郎筆暖翠浮嵐五尺縑

富春江上雨溟濛兩岸花開躑躅紅彷彿舊游
如畫裏一帆曾轉釣壇東

出陳圖因題絕句四首
已愛清陰護綠紗更看秋蘂綻靈芽豐宜門外
園官老能得幾人逢此花

日南曾記一叢叢合薦冰盤荔子紅誰料塵沙

雲藍紙名

候虫因時候而有之虫

修撰貌果風流

燕市滿露珠涼綴小亭中
十年青簡待封題官燭長分太乙藜正值閒庭
花放日便應焚藁更禁園西
候虫新鴈驗花時開後重開歲歲宜却笑茅山
張外史僅移白石挿紅毫

題蔡修撰升元早朝圖二首

遮莫皤皤畫鼓頻披帷風定燭如銀繡整只許
狸奴臥辛苦粧臺攏髻人
花時曾見曲江游僂指句臚八度秋日日含毫
趨采殿中郎木貌寂風流

題腰鼓圖

細署急捧鼓參搥水調兼歌穆護砂料得翻身
誇絕技只嫌挿髮少葵花

送張世濟之官楚中二首

酌春堂上勸觥船僂指分攜又八年偶寄一官
江漢去風流少府勝藍田
班竹岡斜映翠着牙門戍古颺青旗春風可惜
山翁老未得同游倒接離

送陳四處士晉明再入楚

燕山雪後送君行茸帽駝裘馬上輕一片晴川

萬楊柳春風重入武昌城
官清幕府足棲遲漢上題襟定有詩
鑿井便爲王粲宅行歌隨處葛疆池

給事弟雲宅席上觀倒刺四首

雪後風燈燄燄寒雲韶舊部走伶官
一雙手技從容入勝舞銀貂小契丹
洞庭橘酒注雙餅老去繁絃不厭聽
爲語參軍休打鶻衝筵喚出李青青
杯槃暢舞蹈紅綃高下水菱燭一條
不是羊家張靜婉如何帖地轉纖腰

琵琶鐵撥自西涼十四箏絃三足牀
街鼓鼕鼕催不去更翻一曲玉娥郎

咏古二首

漢皇將將屈羣雄心許淮陰國士風
不分後來輸絳灌名高一十八元功
海內詞章有定稱南來庾信北徐陵
誰知著作修文殿物論翻歸祖孝徵

祖璉

送徐處士善南還

玉河新柳已堪攀二月交亭送客還
十度洞庭游未足今番真住石公山

罵殺天下人

送徐秀才天秩還里

燕臺句愛對人誇風裏曾無竟日花生行卷歸
到江南春未晚亂紅堆處櫓嘔啞

題張叟小像即送其還山陽二首

筍籜為冠大布裘愛從金石拓遺文吾生癖似
劉原父當代楊南仲是君

橐中詩卷足開顏二月三沽放溜還不到長陵

圖石馬披榛怕似九嶷山叟嘗至醴泉圖唐昭陵六馬錢板傳之茲

欲游昌平未果

題倪高士畫

房山潑墨太模糊那似倪迂意匠殊一片湖光
幾株樹分明秋色小長蘆

題王翬夏山圖二首

王郎手摹一峰畫宛似張顛作草書鼠尾皴山
鷗點樹只今能事有誰如

帝城日日足風霾眯眼黃塵漲六街對此溪山
最清絕便思衝雨踏棕鞵

積雨寄賀秀才

堂坳階面簇青莎鳩婦呼來又出窠說與江南
賀梅子今年暑雨者邊多

倪博士我端讀書城西雨中寄之二首

黑龍潭口水雲腥黃紙無勞畫丙丁料得林扉
昏掩處高荷大芋枕邊聽

雨氣西山黯未開更聞小暑一聲雷不煩走馬
衝泥苦便可乘船入市回

曹贊善鑑倫移居二首

家具先生有幾車朝來移傍古城窪澄泥小硯
題詩處開遍菘葵一丈花

後園虛閣壓城濠濺濕跳波牖口牢正欲凭闌
看洗象玉河新水一時高

雨中酬王先生士稹早春見過韻二首

架插圖書卽是家但愁無計祝蒼華故人積雨
能來否堂下羅生十樣花

長日看消百刻香借書也學譜羣芳羣芳譜先生祖方伯
公所歸帆尚及秋花種盡墾蓬門碌碡場

送禹鴻臚之洞庭

謫官擬就洞庭居此意沉吟六載餘君去西峰
先相宅小樓容架滿船書

爲魏上舍題水村第二圖二首

江鄉最好是分湖紫蟹紅蝦雪色鱸眯眼塵沙

白樂天有和祝蒼華詩髮
神也
先生彙刻全集重將此
詩改過

歸未得倩人重寫水村圖
綠蘋不礙板橋樁紅葉空堆老樹脰
異人相過任風雨抽帆直到讀書窻

題沈上舍洞庭移居圖六首

沈郎歸興及秋風擬學煙波笠澤翁不戀湖莊
收紫茜愛他千樹洞庭紅
銷夏灣頭五月涼堂成面面納湖光楊梅綫紫
枇杷白買斷閒園自在嘗
才微歲晚畏譏彈井社年來欲住難只合全家
太湖去免教小吏侮鄉官

洞府曾傳第九天况聞菴裏足良田煩君埃我
鮎魚口並載吳江赤馬船

濕銀三萬六千頃兩點青螺髻子濃生怕東山
鷺鳴鬧輕帆徑度莫釐峰

橘田薑稜散租符西舍東鄰與不孤他日相逢
王潑墨也替生絹索橫圖

題盤山朴公畫像二首

攜來一鉢自曹溪結屋青溝亂石西徧洗苔碑
詮寺塔山花木葉恣畱題
謝家木屐無完齒陶令籃輿怕朔風黃葉滿山

來未得幽尋也待杏花紅

送胡參議分守河東四首

周北張南夾巷居傳鈔互借一瓿書使君好事
誰能及馬後巾箱載滿車

朔風千里動幽燕欲醉鑪頭費酒錢君到襄陵
官醞熟可能遺我葡萄煎

天際河流戟外黃桃花春水漲魚梁銜杯不改
陵州樂鱸取銀鱗尺半長

歷井捫參儼畫圖到來官閣一塵無十年漢上
題襟客獨愛詩人鄭鷓鴣時鄭上舍培偕行

段成式與溫庭筠等倡和往來書
目為漢上題襟

為李御史

時謙

題畫即送其南歸二首

移家寄酒思超然才子詩題大曆年我亦愛山
歸未得送君先放櫂頭船

恣縛團茆臥白雲閒看絕頂細泉分名山不少
藏書地諫草何須避客焚

送史館姜君

宸英

還包山二首

白蠟明經亦可憐強吟詩卷放歸船告身許領
郎官軸不藉題名雁塔前

莫釐峰下著書臺十道圖經一室開破臘梅花
遶清夢勝騎官馬踏霜埃

送蔡中允假還省親四首

近傳封事柏臺班，不放詞曹返故山。獨趁庭闈頭未白，青春一舸潞沙還。

攜歸賜紵坼封緘，好進高堂製作衫。灣轉雲谿三百六，荷花香裏笑抽帆。

春坊宅傍五亭東，酒幔茶檣面面風。到日別圖行看子，蛤蜊菰菜太湖公。

記聽句臚已十年，詞頭草罷擘宮箋。不知才子循陔後，鎖院何人下水船。

題張上舍劬竹林獨坐圖

十年不對鄉閭竹，垵北垵南思殺人。輸與君家行看子，一叢占斷小園春。

吾党張生達者流，衡山游罷華山游。垂楊左肘休言怯，拄杖終須到上頭。時上舍將游關中

題汪祭酒霽詩卷

金馬紛紛著作家，緇塵日日走復車。誰如國子先生暇，吟到棠梨日影斜。

西陵十子流派別，南宋諸公體制殊。絕似韋郎浣花集，奇章麗則近來無。

庭闈眷戀賦歸難，酒伴相逢強自寬。只合宅西

添小閣。秋山且當故園看。祭酒詩卷中有記得年時重九日全家登山之句

送高佑鉅之安邑和魏坤韻二首

西風初著壓絲袍。一路涼雲落鴈毛。莫恨酒邊稀伴侶。和歌猶是舊荆高。
驪駒九日郭門催。問子西征幾月來。最好河東苦桑落。客中夜夜引澆杯。

騰笑集卷五

今體詩三

送燈上人

廬嶽送齊已。杼山歸皎然。渡杯看下潞。狗祿笑留燕。別訝新年驟。書憑故里傳。休忘煮茶約。俟我小亭邊。

送施鑒范令什邡

早縮銅章去。嚴程莫滯留。連雲仍舊棧。到日恰高秋。訟向泉邊聽。書從鳥外郵。毋嫌山郭小。漢將此封侯。

奉酬相國馮夫子問病之作

月閏延秋序樽空病酒徒黃楊生易厄烏几凭
逾孤夫子勝龍樹奉錢資藥爐清風兼有作宛
使蟄蟲蘇

送慕主事權關杭州

江漲橋邊路星隨使者來須知持國計端藉軼
倫才書幌晴湖卷茶檣夜火開西谿春信早誰
並詠官梅

題李檢討補梅花圖和韻四首

樂飲高齋勝都亭不易哉客從元夕暇花擬故
園開未雨莓苔潤衝寒雀豹來若爲方泐便分

乞小牕栽

疎影孤山後寥寥愛者誰青猿慵未摘翠羽弱
難持落月長疑夢巡簷亦有詩緇塵眼初豁不
厭最繁枝
霽雪三楹屋苔枝四尺身不眠尋塞管相對儼
鄉人愧後遨頭夜思傾婪尾春玉堂許酬和猶
及賞花辰

披圖精舍小酒榼暫教刪只少柁樓坐江橋對
虎山簾猶映松下月未減籬間有約明年放南
隣日往還

壬戌除日 保和殿侍宴

珮結緋魚後，樽開白獸先。呈能勾樂隊，密坐潤
爐烟。紫路頻除夕，青燈異往年。誰當頌椒會，猶

侍

聖人前。

癸亥元日 賜宴太和門

垂衣逢盛際，輯玉盡來庭。白醞三光酒，青歸一
葉蕙。新年恩較渥，昨日醉初醒。九奏鈞天曲，風

飄次第聽。

十三日 乾清宮 賜宴

詔許 宮門入人隨 陛戟移 江梅低壓帽 火
樹密交枝 既醉盈觴酒 無疆萬壽詩 夢遊真不
到 今夕奉恩私

是夜 賜內紵表二裏一

元老傳

天語殊恩及，侍臣禮優加。束紵價重抵，雙銀笑
荅妻。孥問爭尋剪尺，頻光風今歲早春服最宜
人

十五日 保和殿侍食

露草詩歌雅，雲天易象需。不圖大黼樂，獨許小

臣俱注椀茶膏滑堆盤菜甲殊歲除曾幾日四
度飫堯厨

是日再入保和殿侍宴

乍賜晨餐出仍容午宴陪一夫馳乘翟七校
下傳杯妙舞娑盤歇華鐘取次催分明衣上月
携自九霄回

二十日召入南書房供奉

本作漁樵侶翻聯侍從臣迂疎人事減出入
主恩頻短袂紅塵少晴牕綠字勻願為溫室樹
相映上林春

恩賜禁中騎馬

魚鑰千門啟龍樓一道通趨翔人不易行步馬
偏工鞭拂宮鴉影衣香苑柳風薄遊思賤日足
繭萬山中

三十日

上自南苑回賜所射兔

壹發歌文囿三驅入漢郊乍肥淺艸窟宜入早
春庖賜向燈前出歸從馬後捎食經繙未得
方恣試燔魚

二月初二日賜居營禁垣

講直華光殿。居移履道坊。經營倚將作。宛轉繞
宮牆。對酒非無月。攤書亦有床。承恩還自哂。報國祇文章。

早秋西華潭
殘暑秋逾熾。涼風午乍催。微波蓮葉卷。新雨豆
花開。宛轉通橋影。清泠傍水隈。夕陽山更好。金
碧湧樓臺。

夜起

銀浦懸宮月。金風動井幹。魚雲吹不去。虬箭滴
初殘。木落南樓早。山連北口寒。秋來無別夢。夜

夜望回鑾

壽孟叟

最愛鑑湖好。秋山百里青。君家秋山下。逸屋泉
泠泠。黃菊樹百本。翠濤開幾餅。玉顏長可駐。不
藉藥珠經。

納臘侍衛性德輓詩六首

驟聽黃雞唱。驚隨白馬來。百年嗟輟瑟。五日尚
銜杯。泉下知安往。人間信可哀。退朝憐相國。封
篋忍重開。

通籍題羶筆。承恩改鷓冠。射鳥天一咲。走

馬路千盤禁直昏鐘入廊餐午箭殘傷心倚閭
望東第少歸鞍

出塞同都護論功過貳師華堂屬纊日絕域受
降時悽惻傳

天語艱難定月支歛魂猶未散消息九京知

屈指論交地星終十二年斯人不可作知已更
誰憐翠漸深門柳紅仍膩渚蓮舊游存益少悽

斷小亭前

主客披圖得雲烟過眼諳吟花成絕筆聽雨罷
深譚畫裏韶顏在尊前綺語耽憑將腸斷句流

轉到江南

別恸從前易途傷此日窮迴腸歌哭外搔首寂
寥中迹掃孤生竹枝摧半死桐自今觀物化不
詆釋門空

空果青題楊上舍

自牧

潛籟軒

香草芹城外幽居虎峪隈緇塵吹不到白鳥存
時來萬籟入門寂羣花繞屋開家僮聞剝啄知
得異書廻

畢卓論同毛檢討

奇齡

李檢討

澄中

李中允

鑑

毛檢討

升芳

集馮檢討

昂

齋分韻得南

字

畢卓能轟飲康駢愛劇譚長筵遮視北小徑關
花南榼醖三升酒藿香二寸柑餘酣留未去采
菊入茶籃

顧編修藻以橄欖見遺賦謝二首

疊果青於棗稻含狀最工紅鹽齊落子翠竹遠
開筒愛惜教頻數歡娛忘屢空要知君子意獨
許歲寒同

絕勝餘甘樹來從荔子村玉盤盛最好青箬裹
猶溫酒後酸漿別茶中俊味存清香留改茂試

配煮河豚

食半翅同徐四處士善作

賦物憐窮鳥營飛日幾迴遠依黃鼠穴低捨白
龍堆不用深弓射恒愁短翼摧年年隨凍雀重
馬紇子來

味合添雛笋羨宜配凍醪登盤人未識入肆價
須高且緩思鴉炙全勝食雉膏莫愁嘗易盡讒
鼎戒貪饗

春浮閣

春浮本佛樹之子愛逃禪小閣道南市清流輝

口泉攤書官柳近對酒女墻偏盡咲張思曼能
牽岸上船

題喬侍讀侍直圖

采殿簪毫入千門露未晞臣心勤夙夜
天意慎幾微慎幾微本房御書扁也細細香生幄
滿衣非君諳掌故奏事直前稀

秋日萬柳堂同譚十一給事瑄沈秀才

蕙纒龔主事翔麟同賦三首

亂水秋無路復輿入壞垣粉銷題壁字苔浸插
離門蟲網捎衣桁魚床齧樹根頻來曾不厭筋

刻樣多差大小不自非有二也近亦所字
匠手工百信

詠舊游存

撲棗過頭杖裝緜短後衫沙平携小榼徑遠罷
長鏡古墀踈林出遙峰夕照銜蕩舟無不可只
少布為帆
積潦沉官柳迴流限女墻白鷗來欵欵黃蝶舞
俛俛鄉曲情無改行歌醉不妨城南咫尺地想
見野雲堂

佛手柑二首

柰女環初脫金仙露最甘萬重來水市一笑啓
筠籃味豈踰淮變香仍隔歲含回思珠海住干

樹嶺雲南
宛是祇林得宜從漢殿傳浮江螺女外置驛橘
官先白截鶯肪嫩黃堆兔瑤圓尙嫌香氣遠分
傍枕函邊

晚過崇效寺同李檢討澄中李中允

蕭蕭麗舍人澄曹檢討宜溥賦

繚垣途轉曲入寺淖初乾尙有殘僧在同尋斷

碣看白花秋細細紅棗晚攢攢更上荒臺望遙

山五髻盤林提編

白馬寺

仁壽千年寺今存半畝宮苔鍾橫道北瓦塔隈
墻東客至愁嗥犬僧寒似蟄虫夕陽畱未去雙
樹鳥呼風

食鐵脚二首

本與黃頭似羣傳鐵脚名網羅謀盡取膏火遠
先烹凍兔厨人割貧貪市價輕物微憐最苦化
蛤也爲羹

捕自愁雲外來從凍雪初體輕鷓鴣並骨脆鴉
鴝如縱遜披綿雀寧輸附麩餌故鄉無爾輩只
鱸玉鱸魚

萬柳堂對酒作

亭微沙逾擁橋欹路轉迴自從疎傳去懶逐葛
疆來穉柳春重徙新荷暑未開故人畱旅話仍
勸竹根杯

大京東同李中允澄中馮檢討勗錢編修金甫

本與黃李諭德鑑重過萬柳堂有懷相國馮公

二首

听柳經秋卧簷花過雨推應門人已換並馬客
重來板屋分熊檻莎亭擾雉媒昔年觴詠日不
記暮笳催

樹收平泉譜堂仍右相名路迴逢石坐心怯過
橋行稚子喧碁局園官却酒鎗惟餘沙面水猶
似冶源清

夜宿天寧寺大風和徐四處善韻

檻外開皇塔三千六百鈴天風吹不定一夜枕
函聽砌咽寒蟲語窓搖獨樹形故人眠未穩吟
旁佛燈青

曉起風未止復賦

已湧高城日猶號昨夜風六年凋佛樹乙字數
邊鴻催粥桐魚響薰衣桂火籠薄寒須屏擋仍

作鹿皮翁

同錢光夔王原巖虞惇魏坤查嗣璉吳

十雄過白雲觀分韻二首

愛見晴山出郊西萬木踈偶尋樵子逕因訪羽
人居活脫存遺像蒼涼感廢墟惟餘綵繡宇髣
髴鶴頭書

世祖興元日真人獨召丘片言能止殺萬里不
虛游羽蛻長春觀池枯太液流誰裁釋老傳乃
與帝師壽

寓居天寧僧舍同魏坤作四首

青豆房容借經旬且閉關日邊連右輔樹杪豁
西山六井泉相似千花塔易攀不應朝市客翻
羨旅人閑

萬古光林寺相傳拓跋宮著書非柱下畱客即
淹中味坼園蔬甲香携市酒筒波濤人海濶安
坐作漁翁

到此栖遲慣都無應接勞借書僮入市莖薦馬
騰槽塔射層層火松鳴夜夜濤惟嫌重九會風
雨罷登高

故人分月米言白玉田來黃雀兼鄉味金闌勸

客杯徐尚書所遺也醉便尋茗椀行即遶香亭要踏西
峰雪狂歌未擬回

郊行方澤外路轉古城窪早有雨潑火更無風

卷沙青蓮過橋寺紅杏隔墻花一笑遠公在催

停轂鯨車因菴甲香巖市西滿井訪崙公即事四首

滿井傳遺事藤蘿縛作門瓜先辰日種花比午

橋繁繡幃高低路青旗遠近村吾來消歇盡閒

與四禪論泉林妙干往往說支纖帝里衝風雪

故人方外侶謂周處士質也

僧厨共米鹽招魂迷去路挂壁有殘縑不待山

陽篋同游淚各霑

一花五葉後譜畧漸紛紜傳擬王巾續燈從井

度分圖書兼梵夾鍾磬遠人羣自煮枏谿茗畱

賓待夕曛

賈詩八首

更衣圖書兼焚焚夾軀數數人舉自煮林檎茶留

外王葉翁詩墨滿餘冠斯詩王巾蘇登與共

謝國地谷書

會其米鹽部應殺去却卦聖林致無不許山

騰笑集卷六

今體詩四

寓齋小集分韻得逢字

金水橋南楊柳西華潭外芙蓉衰年杯興未減
隔歲詞人又逢爾汝何甥謝舅飛揚季虎頭龍
夕曛戀客未落雷聽西林暮鐘

七月晦日

賜藕恭紀五首

宸遊西苑念詞曹踏藕連船出鷺濤白藕金門

教遍及青泥玉井訝新淘欲添素節秋迎閏

月閏人看漉花輒日漸高賜果自來聞曲禮不圖

異數小臣叨
分載復輿路未賒
水條玉笋淨無瑕
蒸來須實
麀牙稻雪後寧論
虎掌瓜故事繙書
前代少歸
田對客異時誇
餘根試傷柯亭種
驗取薰風紅
白花

得龔百朋嶺南書却寄

別雁橫汾信去畱
何時漂轉入端州
天邊消息
初踰嶺戰後江山
獨上樓草檄硯開
鸚鵡澗歸
帆雲暝鷓鴣愁
回憐十載相逢地
晉府街東並
馬遊

雄放似杜陵州
詩

送張大理省親臯蘭結婚作

纔投縞紵慰臨岐
別酒翻慳雪後持
聽棘暫辭
歸觀日絃桐為譜
述昏詩咸陽紫鳳
秦臺迥京
兆青螺漢殿知
此去心懸清禁月
重逢應及柳
如絲

送耿副使之官隴右

雙旌曉發動征塵
猶見黃花驛路新
樹屏莫辭
朱圉遠封侯須與
玉關鄰魚龍積水
塞帷近馬
鹿晴山繞幕春到
日西堂畱牘少尺
書須寄倦
遊人

大理寺為棘寺 張敞
西眉事用未竟無痕
迹予最心賞此詩反謂
是應酬之作但看竹垞
刻全集必置不錄今全
集已錄此詩仍在則知
之賞識非謬矣戊子三月
晦日夜燈下書
此何安村夫子說

上巳萬柳堂讌集同諸君和相國馮夫子韻二首

不到閒園已隔年。綠楊高映女墻連。無妨並馬橫橋度。更許深杯曲水傳。徑仄易侵蘋葉小。日晴况有杏花妍。舞雩幸忝從游列。澹沲春光過禁烟。

小徑升堂步履偕。隄沙遙築避塵霾。歌翻驟雨新荷好。地比崇山峻嶺佳。露井有華滋藥甲。春衣無桁挂松釵。永和會後斯遊最。襖飲蓬池未許齎。

刺梅園餞別陸進遊汝陽

刺梅園裏青松樹。笑我頻來竟白頭。避暑暫辭襍穢客。停杯又起別離愁。邨烟斷續陽人聚。山色東西邾縣樓。餘事機雲時唱和。莫忘日下置輕郵。

送十一叔還里即作豫章之遊二首

沙隄棘寺路依然。再到京華四十年。客裏鬢絲驚並老。愁中藥裹迭相憐。觥籌尚記投賓轄。薑蔗都無負郭田。此去南湖仍暫住。未容高枕竹林眠。

大江西上總風湍猶勝驚沙老撻鞍擬共故人
登快閣便浮小艇泝層灘竹雞格磔雲根語蘭
草蔥青鏡裏看南道逢迎應不少莫輕畱滯等
長安

送趙主事

吉士權關揚州

珠簾十里江都市鐵鹿連船估客檣持節自來
星使重算緡須比水衡強橋邊揚子仍開驛柳
外平山舊有堂到及梅花官閣綻好携賓從促
飛觴

送陸叅議

光旭

督儲江北兼訊龔方伯

佳育

金司臬

鎮

田學使

雯

春盤細菜散觥籌暇許招尋醉肯畱遲日最難
花下別輕塵恰向雨餘收熟知官閣三山近預
想燈船五月遊驂竹黃童應笑語石城岳牧總
風流

魯太守

超

席上賦

海內詞流幾派分盡誇皇甫士安文

太守作今
詞選序

正愁縞帶交期晚蚤有瑤華驛使聞歸路亭臯
飛木葉放船薛澱冷湖雲十年夢寐西堂燭今
日題襟得共君



送益都馮夫子集萬柳堂次韻二首

十里沙堤萬樹楊。秋容猶未點新霜。小車稷下將歸日。上巳城東舊醉鄉。坐立部歌聽總好。田園樂事話方長。千秋祖帳羸疎傳。錄別樽前有和章。

白頭許。賜冶源閒。青史難將諫錄刪。此去耕

漁尋舊侶。且憑絲竹解離顏。開簾浴鳥階前水

過雨斜陽檻外山。他日從遊期莫定。強留嘶騎

玉河灣。

沈詹尹 荃 崔少詹 蔚林 招飲限燈字

九月秋陽氣尚蒸。晚來欲雨薄寒增。黃花插帽

經三宿。白苧裁衣試幾層。小鳥飛翻簷外樹。微

風升降酒邊燈。相期偶值趨朝暇。起問蓁蓁

鼓未曾。

送孫編修卓使安南

詞臣銜。命自騎坳親捧。天書出漢郊。萬里駟鸞經北

戶。百夫騎象迓南交。蕉花紅壓枕。椰杖蘭葉青

連翡翠。巢知有清文。冰雪並能令瘴雨。洗黃茅

送張 劭 之平遥

送張 劭 之平遥

○彼汾沮洳。吾舊遊。送爾匹馬。逾徐溝。人行芳草。碧於水。日出杏花紅。滿樓榭。中酒味苦。桑落簾外。鳥聲黃栗留。客居適意。遠亦得。搖筆賦詩。何所求。○
駕幸五臺山恭紀三首

圖經曾識五臺名。想見雲從帳殿生。節物乍分春。恰半登臨最好雪。初晴林香紫。鴿翻風上月。黑金蓮照地。明定有山靈。呼萬歲。不徒龍象下方迎。

花宮高下繞臺懷。鐵鑊層層鴈齒堦。代郡雲山連朔郡。北街星斗劃南街。千夫試轉清涼石。二月如燔泰岱柴。望秩百王曾不到。天教宸藻首磨崖。

紫府仙居岳鎮同。削成太古想神功。地傳竺法蘭棲處。山入勾龍爽畫中。曲磴溪流頻度馬。晴雲烏下數歸鴻。省方豈爲尋沙界。特采天花壽兩宮。

賜紵紀事
上闌初日映簾犀

天語聽傳紫閣西。織自珠宮加熨貼。擎來黃紙

驗封題折枝花訝臨風並掉尾鯨看戲水齊端
綺入春

恩再洽稱詩彌媿在梁鵲

賜御衣帽恭紀

鶴紋初啟尚衣封藤帽朱絲自畏九重日角乍
辭宮樣穩冰紈不散

御香濃玉堂掌故傳他日清鏡衰顏話舊蹤回
憶滄江六年事笋皮荷葉釣船縫

賜鱗魚

京口鱗魚二尺肥黃梅小雨水平磯乍黏越網

千絲結早見燕山一騎飛翠釜鳴薑纜 勅進

玉河穿柳旋携歸鄉園縱與長干近四月吳船

販尚稀

送金侍郎 鎡填撫七閩二首

日萬王師絕徼班軍興回憶轉輸艱更資常袞

聞江去恰喜鄴侯漢殿還玉節官橋河畔柳錦

帆鄉樹越中山幔亭吾亦曾遊地宴坐紅雲迴

莫攀

并門官燭雨同聽數向西堂倒玉瓶別後九遷

今節使春歸萬里又滄溟和調將吏需公望開

濟勲名注
內廷老矣承明嚴助在還期奉席
舊槐廳

送杜少宰臻視海閩粵二首

漢將樓船遠受降重臣疆理到南邦山程伐嶺
復見嶺水驛下瀧還上瀧榕葉清陰交露輞梅
花疎影入吟窗不知五色羅浮雀玉節前頭日
幾雙

暫輟山公啟事書周巡閩海自扶胥廿年已失
魚鹽利百戰猶存蕩析餘鴈戶沙邊尋舊宅鮫
人渡口赴新墟

恩言却似平淮後相度來宣走傳車

癸亥除日侍

宴乾清宮夜歸賦

千門除日已春融兩度椒盤侍

禁中坐聽鈞天仙樂後起看珠斗上闌東歸鞍
笑逐三駿馬守歲歡迎五尺童不是雲漿浮鑿
落衰顏那傍燭花紅

甲子元日

賜宴南書房歸
上復以肴果二席

賜及家人恭紀

纔承曲讌侍仙闈又撤瓊筵到北扉歲酒更

番移席勸

主恩一念感心微比隣漏下驚窺戶兒女燈前

笑攬衣閒向金坡說遺事全家不賜食古來稀

送馮

遵祖

宰平陸

著書獨有五亭好作吏無如三晉閒醉裏襄陵

官甕酒到來砥柱郭門山耕餘讓畔田千頃吟

對浮查水一灣白鴈年年度汾曲相思燕月幾

彎環

贈徐丈

石帆先生海嶽姿盛年解組棲山茨耕漁軒竹

長千箇上下崦梅開幾枝有客問年書亥字閉

門轟飲過申時只今介雅多新句好續金蘭舊

日詩

送曾

燦之南海

白髮遊燕舊酒人棕鞵重踏六街塵來辜鄧尉

尋山約到及長安臥雪旬雁底雲帆鄉樹繞馬

頭星驛嶺梅春南園詞客多無恙暇日爭扶大

雅輪

送張夫子巡撫山東二首

十二河山大小東中丞持節鎮繁雄循良久數
張京兆副相依然漢上公并稅蠲來青帝壤
屬車迎及素王宮誰華秋色看逾好秀澤單椒
儼畫中

泰雲堂上酒曾酣種竹開亭徑舊諳山湧高城
雙戟外池分新水七橋南要知政簡無留牘可
許朋來賦盍簪准擬春風陪杖屨重游細酌澁
泉甘澁泉予客濟南時所鑿

宋宋觀察榮

竹垞先生語予曰此戲
言也而觀察果以白炭
相贈

今年燕臺數雨雪晴九陌吹回風欲鳴不鳴
曷旦鳥得過且過寒號蟲茸裘已敝庫尚典濁
酒苦貴樽長空故人念我倘分贈薊門白炭盤
山菘

同黃虞稷周在浚彭杜飲劉學正中杜

國子先生屋數椽晴牕齊拓衍波牋詩題史籀
岐陽鼓書載范光湖水船百罰深杯初度夜十
年舊雨一燈前不嫌臥甕人來數日日床頭釀
酒錢

冬夜同諸子集杜司空齋中分韻得波

司空愛客掃東第。十里杜曲齊來過。揚眉且作吳下語。婪尾笑卷樽中波。吾老謫官久當去。人生良會安能多。街頭鼕鼕漏鼓急。不醉柰此明燈何。

寄胡少叅介祉

使君麗句過西崑。賦格詩圖許細論。轉粟年年先社燕。抽帆處處市河豚。吟看上客題襟滿。書想高齋插架存。姑負連船載滄酒。故人未得下

津門

次韻贈沈上舍

沈郎詩格珊瑚鈎。曾題八詠之高樓。著書應過習鑿齒。論事不數賈長頭。橋門鼓篋又三載。社酒治聾須幾秋。愛子齋居花滿眼。疎簾清簟坐銷愁。

贈耿都尉二首

承恩驂乘入明光。賜第仍居履道坊。日昃尚趨三殿直。月正恒捧六符光。萬年觴長楸走馬。先歸埒小苑飛花。近拂墻自

賈逵能講左氏及五經本文諸儒為之語曰問事不休賈長頭

有囊中餐玉訣無煩菊水餉南陽

萸房竹葉勸深杯月底簫聲次第催才子不妨

如意舞酒徒拚倒接羅迴開簾最愛亭前瀑改

席宜登樹杪臺笑問琴山一青鶴可能天際忽

飛來謂周郎中襄緒也

送姚夫子填撫全蜀二首

漢廷折檻舊知名節使疇咨副相行曲讌午辭

珠鏡殿單車春蒞錦官城山川想像王師入

父老扶携益部迎井絡坤維資重鎮遙將籌策

贊昇平

清時文軌萬方同將作經營五柞宮雅雨黎風

吟木客芋田芸鼓輟巴童亟須元老經綸及不

使遐陬杼軸空

天眷自來西顧切昌言蚤為達

宸聰

為畢豫瞻題扇

今年十月尚暄和雨後流泉響玉河竹扇未應

收画篋絮衣猶可着香羅籬根細菊冬逾媚砌

下吟蟲夜轉多那得滄州載新酒亭前捉臥甕

人過

喜周質至

人
喜
舊西吳大雅林白頭纔一到金臺最愁馬上
乘船似不道天邊犯雪來酒盞四年方得共燭
花昨夜記曾開郊扉晚訪何時遂十里及山日
往廻

送周二之海陽

簷花對酒五蟾蜍此去郵籤萬里餘湖水東西
仙令宅帆檣來往海人墟炎洲雨過香蕉子夜
枕潮廻徙鱈魚後會竹林期莫定相思天末意
何如

和韻贈顧典籍貞觀

全家南下欲何之履道閒坊且莫辭坐客細論
鈎黨事剪燈徐檢故人詩竹爐高詠教誰和蘭
畹新聲許自知半百華年青鬢好秋牕憑勸玉
交卮

送張嶠宰淄川

般陽城下記曾過負郭分流左阜河相送履鳧
仙令去恣聽驟篠短童歌簾衣晝靜花應滿書
帶春來草最多暇坐西堂官燭夜吟情可憶舊
羊何

往事沉吟十九年，潞沙津鼓解連船。
河豚荻箬丁沽市，海燕芹泥鈞突泉。
岐路東西頻遠隔，故人意氣劇相憐。
青藤絡格繁花紫，涼月紛紛話別筵。

寄周叅軍在浚

初聞歇馬臺駘廟，近說看花狐突山。
愛客易傾冬醞美，著書難得畫簾閒。
加餐道遠彌相憶，倦旅秋深尙未還。
風峪石經無恙否，何時徙置別苔斑。

次韻送楊侍郎雍正還里四首

吾愛吾鄉少司馬，乞歸躬養太夫人。
聖朝孝治容將母，元老功成合引身。
篋裏詩篇行處有，道傍嘆息見來親。
計程一舸鹽官水，到及陔蘭滿眼春。

夜舫朋箋書賭棊，昔遊嶺表共栖遲。
頻過韋幔傳經地，尙記潘輿置酒期。
南北幾回分手路，升沉相對滿頭絲。
今朝遇我歡心劇，不異蠻天捧檄時。

橫浦先生舊里居，爲園郭外儘堪娛。
人家戶戶通舟楫，藥草村村盡畫圖。
坐久春禽啼滿樹，朋

來臘釀勸傾壺更饒入饌江魚美添買臨平半
頃湖
僕指東華九載過罷官歸計尙蹉跎最憐老友
匆匆別不惜衰顏夜夜酖酒倒三瓶猶恨少夢
隨千里自今多早春也擬輕帆下更嬾金臺獨
放歌

馮檢討招諸同年集六枳園對菊卽席
分賦得顏字

可怪南隣馮檢討酒錢肯爲謫官慳盡除簾額
虛牕白亂插籬根細菊斑新雨不來那在眼故

人相對且開顏近年同脫趨朝籍漏鼓頻催
獨後還

送樊明府咸修之嘉興

仙鳧南發指江關到及梅花點地斑倚郭千家
齊傍水登樓百里更無山郊垌近日園亭少旱
潦頻年稼穡艱憑仗賢侯妙爲政不難風景舊
時還

表弟查二嗣璞至都過古藤書屋畱宿

更史未作詩五首依韻奉酬
鹽官人到逼殘年贈我吳興十兩綿肌粟頓消

生暖後鬢絲相視入愁邊醉拚把琰循環飲倦
便安床曲尺眠玉桂國中來底事開春同縛送
窮船

別時花藥發春壇五載離居感百端一派武溪
行焚道兩浮炎海狎珠官蠻中土俗諳王範篋
裏雲山奪范寬此夜劇談高燭換北風頻送漏
聲寒

送馮編修雲驕前輩假歸鴈門

大馮前輩劇相於暇便經過禮法踈八月論文
同忤俗頻年生計祇抄書婁兜橋下分岐路勾

注山南憶舊居好慰倚閭人竚望壽觴花底御
潘輿

宋中丞犖鎮撫江西詩以寄之

誰華秋色濟陽行送別燕郊空復情十月乍遷
吳子苑六幢今指豫章城樽移南浦仙舟近幔
卷西堂幕府清宰相史家書世系代興誰得似
先生

題雪中垂釣圖

九十九淀畿南水五三六點塞北鴻雪花溟濛
濕柳絮人影瑟縮枯蓮蓬易酒涼酒村甕白東

物壯之泛少陵得來
非山谷也

家西家爐火紅此時堅坐不歸去
一笑無乃天隨翁

送楊侍御還東湖

一謫金門住五年羨君容易早歸田
他時願結香山社八口先浮潞水船
秋鳥多來鄉味好月波釀就禁方傳
桃枝况有仙人母同注真靈位業篇

送柯孝廉維楨之蕪湖

劉蕡下第原風漢王粲依人復遠遊
舊屐尚存尋赤鑄殘書又抱去
盧溝春槽酒熟沙門店夜

柵橋平估客舟倘得黃金休易散
歸時須築小丹丘

送湯在寬還豫章效岑嘉州體

毘盧閣下酒初持又送歸驂感路岐
到來纓濯衡門水依舊笙歌小雅詩
赤烏鑄鼎泉仍冽白鹿譚經席未移
承顏一事尤難得恰直官庖給肉時

郎中弟儼歸白雲居寺留飲春草堂漫

笨車纔見返僧坊雜坐蠻藤六尺牀
恰喜市塵

啣薑之鼠漫書之鳥皆喻好書之癖

銷暮雨。盡掛風幔。納新涼。吳膠乍至。催開甕。津蟹初肥。趨未糖。插架有書。須更借。笑人真似鼠啣薑。

送劉進士凡知孟縣

百里雷封古孟州。銅章出宰最風流。一灣清濟通王屋。千樹穠花繞縣樓。別後酒鎗携伴去。到來詩卷許吾酬。三年報最尋常事。腰折眉摧不用愁。

送徐勅宰順德

銅章再縮出都亭。天末郎官映一星。南海潮連

沙嶼白。西樵山壓縣樓。青題詩定遍。魚笲竹判牘。憑移孔翠屏。此地不難先。奏最因風為報遠。人聽

查上舍嗣璉弟將南還過寓舍話別同

魏二坤小飲賦六言二首

斜街槐樹之下。高館灝村以東。且緩郵籤。笑別試開社酒。治聾天邊。又迴南鴈。簾外猶鳴朔風。莫恠燕山春晚。小桃花已先紅。

時盆中碧桃盛開

江郎南浦欲別小謝西陵。未來謂嗣璉弟也細草巴

溝乍綠。堅冰潞水寧開。骰翻李邵。新格酒瀉烏

宜入不言

巾舊醅款語且留十日看花同上豐臺
村公書來招游盤山却寄

三盤勝地稱絕衆嶺何峯最尊別後時勞夢寐
書來興轉飛翻青松十里巖磴紅杏千株寺門
好雇犢車一兩軟塵碾到山根

送蘇郡伯守杭州

新涼纔報上林秋五馬雙旌發薊丘方鎮表存
唐國史郡伯尊人左符秩等漢諸侯江湖水氣
城陰合吳越山光戟外收自是前身蘇玉局黃
州領郡又杭州

和韻送金檢討德嘉還黃州

謫居人海我未還君亦捐佩蛾眉班忽携紅藤
杖七尺歸卧黃篾樓三間編肥筍香酒戶大月
明風熟漁舟閒有時橫江逐孤鶴一聲長篴開
心顏

輓錢進士

曲江讌後放歸艍豈謂才人祿命妨差勝孤魂
追及第最憐無子奉高堂門前載麴車難得夢
裏生池草未荒不待山陽聞笛罷西風老泪寄
千行

和曹先生溶韻送高佑釗還里二首

曾將鐵網截珊瑚。采入巾箱主客圖。過眼烟雲書萬卷。開襟辭藻賦三都。尋山筋力貧逾健。負郭田園老尚無。近與停年選人格。未容作論號潛夫。

香厨紀夢剩編遙。聽說移家遠自蕭。文采昂仍

猶藉藉。門風師友未寥寥。君遠祖都事有紀夢

輯師友集青鳥墓傍新書屋。黃葉村連舊板

橋。舞袖垂魚歸。諗母到門花雨濕。凌霄庭前老樹凌霄

附之花味贈我金劍信。黃川

第仍者第孫仍孫也。康熙丁亥臘之十二日。踏凍過。采證之竹垞先生。題而燈下。烘硯呵凍書。此是日嚴寒。河道凍斷。

騰笑集卷七今體詩五

御試省耕詩二十韻

長樂虬鐘啓端門。羽仗排良辰。元已近。暄景暮

春佳五月丙午尚夏

帝念勤民切羣情。望幸皆蘋風吹近。遠蘭澤洗

氛霾。銜尾中流鷁拳毛。內殿駟農輿。霑雨露俞

騎束鞞。鞞沙柳津亭岸。山松驛路牌。西疇一以

望東作。此時偕于耜。分原上提筐。饁水涯杏花

殷似火。菖葉小於釵。蒼靜飭簫市。煙低土銍柴

倉庚飛習習。布穀語喈喈。樂事紆

乾顧豐年協

膚懷歌時成夏諺行處即堯堦帳殿開黃屋人

家遶翠厓定知先稼穡力為減徭差吉日宣王

禱空同軒后齋星躔齊北拱聲教已南諧曲渚

宜浮洛芳樽迴勝淮

宸游多悅豫振旅入天街

五月丙子侍宴

保和殿恭紀二十四韻

柱下隨周史琴邊聽舜歌

廟謨神策勝荒服遠人過葱嶺車書接條支部

中...

落多郵籤幾重譯貢使百明駝黃帕開封速花

輒視日趨九賓齊脫劍一士許鳴珂乍橐螭頭

筆還衣鳳尾羅透迤緣幔閣踣踏步鑾坡天半

開

清蹕塵中隔絳河班聯小侯近禮異叔孫苛

糗官庖出葡萄塞馬馱壺冰淘紫苣山葉裹瓊

禾割肉容臣朔傾心到尉佗上雲雷麗曲深雍

舞鸞鞞喜溢

龍顏甚衰慚鶴髮何見知真特達矢報尚蹉跎

懷核披香案分酬太液波自然蠲暘暑直覺去

沉疴烟淨高城柳風傳別殿荷景猶長北至序
正秩南訛帝治原無外

皇居信有那萬方皆屬國六詔敢橫戈洱海兵
將洗苴蘭石可磨宣功宜作頌聖德邁元和

送王贊善視浙江學政二十韻

京國沙堤舊婁江甲第臨世家唐宰相經術漢
儒林早射匡時策先鳴正始音才華王轍謝詩
筆沈兼任偶出辭温樹重來翫薛禽瑤山開四

薛稷畫仙霍於翰林院
中故曰薛禽

照屏地拔千尋朶殿新參管儲端每獻箴

詢謀公望最眷顧

主恩深持節巡江介觀風采會吟色絲能辨石

爨火定收琴洞壑包三九道書洞天福地在圖

書足古今湖光仙棹疊嵐翠戟門侵紫笋茶教

淪烏巾酒待斟詞場輸藻鏡交誼重苔岑十載

逢青眼相於愜素心別筵愁袞袞嘶騎去駸駸

苑雪花猶積官橋柳未陰懷歸貪倚着投分忘

升沉送送情何極勞勞思不禁還期承蓋處鄉

曲共題襟

送曹郡丞貞吉之官徽州

勝絕新安郡高秋擁傳行江流清見底山色翠
當楹萬壑雲為海三都石作城漆林分井社松
蓋辨陰晴墨愛麋丸漬茶先穀雨烹由來風土
美見說訟庭清之子齊東彥才華鄴下并詞源
白石叟詩泐玉谿生鳳沼趨晨久鸞臺典籍榮
後來薪愈積老去驥長鳴豈厭承明出遙思廢
吏迎名山謝康樂隱吏許宣平晚飯桃花米春
厨竹笋萌麥光題素紙龍尾滌金坑暇有懷人
作知同惜別情十年呼薊酒雙調譜秦箏忽漫

白石 姜夔 玉溪生 李義山

登長道沉吟數去程跡猶淹旅食心已定歸耕
七里巖陵瀨千秋黥帥營相尋試酬和編笈采
紅蘅

戲效香奩體二十六韻

淶水橋橫度紅樓壁暗鑿軒牕開了鳥洞壑隱
空嵌絕世歌難得同生感至誠裁通心叩叩愛
執手摻摻鬪葉垂么鳳釵梁綴小蛾禾中女子
有以織蛤蘇蠟者綴細桃簪後放碧草鬪來芟淺黑鴉頭襪
微黃杏子衫粉融研麝和香潤避梅賦點筆能
成陣聽詩便發凡聰明箋樣改放誕酒籌監舊

譜修簫史繁聲擘阮咸目因留客送語以解圍
僂捕雀容貓戲移花信鳥鴿繡闌鶯覘睨坐久
燕謁謫鈿鏡清於水粧階白勝城住須金作屋
行卽錦爲帆鬱鬱亭前柳青青牖口杉回船同
別鵠去馬逐驚颿角枕千行泪蛾眉衆女讒車
輪腸內轉石關口中銜積思凝瓊樹輕郵達蒞
函犀文搗寒玉兗穎齧秋毳益智忘留贈當蹄
費遠緘神光渚離合夢雨峽嶄岳馬阜東西寺
烏山上下巖當年並游地悔不姓名劉

曹先生

溶

輓詩六十四韵

狗祿經時別加餐萬里教報書人未返凶問客
來謙竟輟椅桐瑟虛藏稷黍苞腸迴真似結語
咽不禁侑投分懷衿契忘年比漆膠縱橫才不
世經緯學能包壯日膺乾顧亨衢協泰交皇華
在原隰驄馬避鞭鞘卿月青霄上台星紫極梢
主恩中外重物議愛憎殺嶺外資分轄雲中藉
建鏡軍興還轉餉戰勝屢登輶未覩勲書策翻
令祝代庖清時臥安石奇計老居鄭種樹隣初
地爲園傍樂郊金陀坊最曲錦帶水難淆曲解
偷聲譜扉從問字敲說詩窮五際布易得三爻

東馬文無敵南狐史共抄近游師束皙高論折
尸依昔歲投荒徼芳筵恣叫喚晴牕蟲蠟剪晚
飯鷓鴣魚飲罷題連軸譚深坐轉胞硯憐鸚鵡
潤筆肯蚶蚶拋小市船撐蠶輕衣杼織鮫荔支
團火繖蘭苗挂風髻蝶翅仙袞曳柑香佛手抓
潮來雞喔喔日出鳥咬咬震瓦長鳴颺奔雷易
激颺離愁珠海濶歸計石田饒魚最憐鷺嘔泉
常汲虎跑避兵居其井穫稻澤分櫟舫爲蓴絲
泊厨看茨實鉤閒尋百泐寺悶解五湖箋楓岸
拈紅葉茶槍試綠筍探梅熨斗柄射鴨竹弓梢

纜繫蘇堤遠壚逢卓女姣過頭齊杖栗婪尾數
浮炮山後津仍逮樽前意更忉池清移塞柳花
翠繞秦瓦擁被陶爲穴炊梁釜揲籜白榆貪食
耳黃鼠厭克肴糖躁三沽蟹餒黏九日貓渾河
流苦急磧石面多顛獵騎掀茸帽箏人疊舞綃
停軒聽賽鼓並轡指飛鶻畫壁重重拭苔碑處
處籜迎寒吹巖策欲雪卷旂旃我去重游薊公
歸亦渡浚往來頻聚散契濶少謹饒小草無端
出眞鴻忽見翼盡嫌中散癖難免北山嘲反教
猱升木那容鵲定巢身猶依鳳闕官久罷螭坳

閨寂門羅雀淹留跡繫匏正思耕作耦何意影
同泡磨滅頻年札妻涼一束菱賦成栖舍鵬夢
斷入懷蛟遺草知盈篋懸車定覆罨空床吟蟋
蟀暗牖網蠨蛸籤帙無由借人琴自此搭茫茫
千古恨惻惻寸心恹愧後兼金賻惟將漬酒酸
平生知己淚亟欲反衡茅

秋水十韻

郭外湖新漲天邊暑乍歸牽層移菰岸繫纜到
柴扉橋影中流小人煙極浦稀家家采菱角處
處落蓮衣渡口迷村店潮痕驗釣磯魚標林際

短蟹火夜深微柳近浮萍掃楓兼斷葦飛避鱗
鴻雁下侵隴稻梁肥夢穩扁舟在鄉遙舊雨非
殷勤報鷗鳥伴我共忘機

送毛檢討

奇齡

還越二十四韻

一舸全家去層圍別袂分孤生倚知己衰老感
離羣曉雨千門散新泉五牖聞花光晴澹池峰
翠遠氤氳祖席愁帆影回塘蹙水紋語多兼往
事觴罷判斜曛少日偕簪笠遺書索典墳扇邀
王內史舞起謝將軍夢筆橋頭月捫蘿磴口雲
徵歌依趙瑟漬墨灑羊裘午爨柯亭竹秋眠蕙

帳蚊俄驚鄰笛。美頓使酒船。焚失路。栖淮浦。逃
名適汝。潰易穿東郭。履慚勒北山。文燒尾。同華
讌。傳甘並紫。盼四聲研沈。陸六義續河汾。闌藥
園官送朝衫。小婦熏香奩。詞悵悵。錦瑟泪紛紛。
爲折章臺柳。翻辭秘省芸。空林憶猿鶴。舊社返
榆枌。到及湘蕤美。閒看越鳥耘。朋箋存笥滿。麴
米注牀醺。宰相陶弘景。神仙鄭巨君。行藏應自
判。不用問靈氛。

牽牛花十二韻

小草無心蔓。踈籬到處延。涼分銀漢水。曉映碧

羅天。絆地三秋早。含苞七夕先。風吹長裊裊。露
洗更娟娟。冷翠蕉林外。新黃豆葉邊。日高翻自
歛。夜久愈生妍。月影銷衣後。蟲聲攪夢前。捐溝
香驛路。墮雨滴罍船。螢火黏常濕。蛛絲容易綠。
子多拋藥臼。根不費花錢。舊入桐君錄。宜纂織
女鈿。憑誰描竹尾。幽思轉翛然。

迎寒笳卷葉戒夜鼓鳴筍羹尊譚鋒摧趨雄詩

械破詰窘右曾毫毛秋兔脫墨光古香吮嗣璉

臨當黥然別且復莞爾哂佩蘭炎瘴舊所便眠

食勗惟謹羹尊行逢早梅墊到及蟄蟲蠢右曾

前期久莫忘鄉夢今始準嗣璉穆如清風篇袖

以示均尹佩蘭謂屈大均陳恭尹也

重九後一日雨中集長椿寺

九日倏已過姜宸英濕雲漫四郊森森長雨垂羹

尊 颯颯虛檐捎病葉戀冷枝梁佩蘭驚鳥盤空巢

晨興踐夙約陸嘉淑攬袂皆貧交勝引雙樹林魏

坤 宛若深山坳藤縮三秋蛇張雲章槐舞千歲蛟

頽柿迸露實未載金英坼霜苞紅的的吳萸陳

曾 碧叢叢秦瓦瓦溝窠颺颺湯右會戶網除蠹

蛸蘇深鼻鳳伏查嗣璉篆古蒲牢哮粥魚畫浩浩

會 墻雞午嚶嚶光景欵明晦宸英眺覽窮櫓

櫟新耐綠滿竿羹尊晚菘黃克庖豈意青豆房

佩蘭 俄頃羅嘉肴鳴薑臙紫蟹嘉淑題餠餘彩

貓子鷺新韭配坤鮮鯽枯荷包已見雉膏登雲

章 况有兔首包魚分曹玉鈎射載震角力骰盤拋

急觴易沉頓曾緩帶便爬抓一飲動一石右

曾載號或載呶同聲倡者和嗣璉含意漆在膠

五言乍妥貼兆曾十手爭傳鈔雖乏韶濩音宸

英肯使下里殺合并洵匪易葵尊顧我中心忸

歸帆艤舫佩蘭別騎籠鞅鞘邈迤陟荒岡嘉

淑邪許舉長笈免泣卞和璞坤且誅宋玉茅草

縛不借履雲章泉酌呶然匏檳榔蕉柳荔載震

都蔗菱菰芟雞頭祖竹萌曾毅翠羽官梅梢熟

知江鄉樂右會莫厭潮田磽招隱丘中琴嗣璉

勵志賁上爻豈必馬足塵兆曾逐逐營斗筭宸

英

雨過劉學正兼隱齋觀石鼓文拓本

今秋最多雨陸嘉昧谷藏烏蟾葵尊枉書丙丁

帖魏坤果符甲子占劉中夙興愁霞頰朱載餘

溜消突黔查嗣折柬四門至嘉淑卜晝得所快

葵尊 各各衝塗泥坤紛紛污鞞襜中柱入門老

莎滑載震遶屋細菊黏嗣璉焜黃已撼撼嘉淑

晚翠方娑娑葵尊濕徑乍一取坤油雲俄重淹

中柱 側耳聽浙瀝載震深坐防濡霑嗣璉際此

霾零并嘉淑猶未霰雪兼葵尊臘釀清五加坤

獸火紅半杓中柱安肅菜剪甲載震直沽蟹撐

箱嗣璉海物羅瑣碎嘉淑山果咀酸甜葵尊捉

臥甕人醉坤覬不速客添中柱中筵樂方畢載

震主人發經奩嗣璉獵碣自陳倉嘉淑甲乙分

排籤葵尊其辭儷雅頌坤其法妙鉤鈔中柱選

徒悉左右載震體物窮游潛嗣璉秀弓既云調

嘉淑麋豕罔不殲葵尊君子爰迨樂坤籩豆充

魚燂中柱詩疑吉甫作載震書命臣籀僉嗣璉

車攻與吉日嘉淑比擬意交厭葵尊柰何馬鄭

徒坤紛綸起設諛中柱年殊成宜狩載震譜異

姬羸鉞嗣璉缺畫費咿嚶嘉淑密義煩顧瞻葵

尊修藤蔓穆塗坤勁草萌勾尖中柱簪花女姚

冶載震帶甲士凝嚴嗣璉作龍之而鱗嘉淑掀

攫于思顛葵尊往在岐陽時坤曠野孰窺覘中

柱受辛相夜杵載震敲火磨霜鎌嗣璉宣和忽

移致嘉淑皇慶乃覆苦葵尊切磋畱太學坤愛

惜蓋深檐中柱鈎金縱剗剔載震節角仍安恬

嗣璉詛楚文久泐嘉淑亡秦碑或燔葵尊藉茲

典刑存坤一字直一縑中柱述書誦古賦載震

改席褰疎簾嗣璉車轄投亦得嘉淑接離倒奚

嫌葵尊吏暇咲兼隱坤官冷慵趨炎中柱有酒

爲笑長卷八 四

傾玉餅載震無酒指青帘嗣璉六街鼓鼕鼕嘉

淑兩頭月纖纖彝尊欲行復被肘坤燭至還提

槩中柱謂客毋庸歸載震險韻尚可拈嗣璉

吳徵士還蒲東魏上舍還嘉善集古藤

書屋話別聯句

握手古藤下秋深旅愁積歸來西溪傍猶及種

春麥吳雯我亦袖輕鞭明發辭紫陌倦鳥不同

飛各自張旅翮魏坤二子澹雅才肯為時俗役

英辭迭相應如以桐扣石陸嘉柳塘水淥淥蒲

坂山驛驛改歲君到時古藤花滿格查嗣大防

一斗泉釀酒水雪白酒熟君不來落花良可惜

彝尊

寶晉齋研山

有石產京峴近在龍目灣周篔外史火正後愛

好怡情顏彝尊稜分巖穴岫垢洗黃朱斑篔俄

看千仞峯勢拔方寸間彝尊亭亭華蓋倚隱隱

卻月彎篔岡巒各殊狀一一相廻環彝尊其下

陷深窪彷彿龍所寰篔有時風雨至大小青來

還彝尊玩物不在多對此形神嫻篔以之易園

廬勝絕臨江關彝尊觀其賦詩意猶自心偏慳

存唐人三能詩宜
各分首

箕年深異顯晦幸未委榛菅藝尊君家藏四葉

冷光古益黜箕且以娛寂寞豈復論銖錒藝尊

舉世重黃白孰營几上山箕好語玉蟾蜍勿用

清淚潛藝尊

集唐人句題禹鴻臚罷釣圖

明月古揚州東西湖渺渺青山去意多世事關心少陶潛屋不豐范蠡舟偏小笋皮笠子荷葉衣故鄉山水路依稀清江見底草堂在便欲因君問釣磯

集唐壽謝太守二首

謝公為政實風流四望烟花匝郡樓何必三山待鸞鶴人間亦自有丹丘

扇後歌聲逐酒來玉簫清轉鶴徘徊含香太守心清淨左把花枝右把杯

為劉八題畫集句

虛堂閒倚一條藜日午行吟到日西曾是管絃同醉伴阿誰教入武陵谿

毛封公壽詩集唐人句十韻

自知清淨好名利本來踈嗜酒晉山簡通經漢仲舒高齋徵學問教子但詩書庭養冲天鶴香

消蠹字魚寧知武陵趣還傍釣臺居散帙至棲
鳥鳴榔聞夜漁古苔生迳地時菊覆清渠洞有
仙人錄門停長者車桐江秋信早勾漏藥成初
自有延年術何人更得如

紫藤花下作

首夏花信終月閏又開朔夔尊溼雲來遠岑密
雨溜斜楠周篔雖違登覽興且喜氛垢濯夔尊
軸簾納餘清叩戶鈔重較篔甌香碾新團滴古
濡散卓夔尊虛齋愴無事晚霽意蕭邈篔高蘿
何年植老榦惜崩剝夔尊杪春發纖條青翠纒

一榻篔有如荔含苞又若鳥破殼夔尊籠陰忽

益瓦落格漸成幄篔五髻瓔珞垂羣玉玲瓏琢

夔尊榮悴迭後先土膏異豐确篔幽賞人未齊

暖遊蜂已覺夔尊將尋條鈴護母使雀豹啄篔

寫生畫史為配饌食經學夔尊故鄉南湖南風

景別燕涿篔濃陰壓兩岸虺蔓掃船角夔尊鷗

鳧雜坐臥蝦蜆恣撈捉篔何為久滯淫來往昧

鳩鸞夔尊酒罷花亦殘擁衾歸夢數篔

檉

有木生庭隅入夏翠陰發周篔卑枝易妨帽密

陰怡承襪

孫致彌

重露一以晞微風久不歇

彝尊

皮乾敲殷頰花瑣補禿缺

簣

色籠澹泞天影漏

惺忪月

致彌

遮門肖水松驗雨促耕垆

彝尊

莖

小舞蝶翻脂香行蟻窟

簣

其身異樅栢其產徧

揚越

致彌

豈惟敵雪霜兼可蠲死暍

彝尊

痰疾

息子除栢槩匠人劂

簣

是物錫嘉名肇詩皇矣

曰

致彌

爾雅配蟲魚圖經繪苗髮

彝尊

過從每

淹留愛護勿剪伐

簣

森森埽藤蓐淺淺露鷲骨

致彌

清談自亭午離坐到日沒

彝尊

雖非郊野

居且免土蓬勃

簣

况有易釀沽把醜恣百罰

致

彌

箕踞獨樹根狂哉酒檮杌

彝尊

棗花

棗花香細細亂結春風闌

孫致彌

既免織手摘寧

邀上客看

周簣

燕郊得干樹吾將老園官

彝尊

竹爐聯句

并序

錫山聽松菴僧人性海製竹火爐王舍人

孟端過而愛之為作山水橫幅并題以詩

歲久爐壞盛太常因而更製流傳都下羣

公多為吟咏圖既失詩猶散見于西涯篁

墩諸老集中梁汾典籍仿其遺式製爐恒

歎息舊圖不可復得及來京師忽見之
容若侍衛所容若遂以贈焉未幾容若逝
矣丙寅之秋梁汾携爐及卷過予海波寺
寓適西滇青士愷似三子亦至坐青藤下
燒爐試武火茶相與聯句成四十韻明年
梁汾將歸用書于冊以示好事之君子

西神峰連延龍角沈泉歎孫致彌桑苧次水經

第較中冷遜姜宸英山僧寡營役谷飲遂夙願

朱彝尊跣趺長松根風來耳垂鬚周貧都藍選

茶具一一細莎頓張祐慧山詩重街夾細莎

顧貞觀舍彼陶冶工截竹等辯輦致彌附以紅

泥團其修僅扶寸宸英坎上離于中下乃利用

吳彝尊微颺颺入活火燄燄煖貧初聆檜雨

喧漸見魚眼踰貞觀紫笋舒萌尖乍點湯色嫩

致彌王郎穿竹過愛接支許論宸英解帶磐石

間素瓷迭相勸彝尊欣然愜所遇伸紙隨染渲

負濛濛巖亭瀑歷歷水田畝貞觀短短茅覆屋

茸茸荻抽蘆致彌橋歌乃有路門闢或無樵宸

英林壑雖未深埃壘頗已遠彝尊流傳盛新詠

羣雅足彝憲貧或為篆籀隸若盃鬲敦膚貞觀

或為真行草若絲靖義獻致彌穆如清風作舉

一可當萬宸英嗚呼百年來精廬窟羈貓葵尊

曩時所珍物零落委荆蔓質吾家纊塘側想茲

恒繾綣貞觀形模授巧匠高下仿遺援致彌所

惜七尺圖慮為塵土宸英開篋逢故人輟贈

得右券葵尊羊脂鏤躐玉獸錦束腰綵質警諸

延平津劍合始無恨貞觀俄驚隣笛悲未歎壑

舟遁致彌蕭條黃公壚歌哭與俗溷宸英是物

觀者希五都絕市販葵尊今年吳船來載自潞

沙堰質徙置青藤陰旅話破幽悶貞觀質比蓮

芍輕形啜石鼎鈍致彌小勺分宮時頭綱試甌

建宸英忽憶秋水生乘此風力健葵尊逝將挂

席歸耦耕師下溼質毋令石牀空兼使夜鶴怨

貞觀

苦熱聯句

苦熱今年甚幽州亦蘊蒸朱茂暉久無甘雨降

惟見火雲升姜宸英際夜焦烟合經天杲日恒

張遠高林枯白帶淺泝露丹稜王原最怕衝灰

洞何須堰戾陵徐善河流金口膩山翠畫眉層

葵尊黑蟻潛難見商羊舞莫憑萬斯同新畬荒

稷黍遺種慮蝨騰朱儼雲隊分行綴祠官典故

徵譚瑄力難驅旱魃咒乃試番僧查嗣璉童女

雙了髻旂竿五色繪李澄中新粧朱箔捲雜戲

綠衣能魏坤虹霓羣情望塵埃萬目瞪黃虞稷

疾雷無影響長轂但鞞輦釋淨憲銷夏愁無策

聯吟喜得朋龔翔麟盡諳微徑入不待小僮鷹

湯右會席帽人人脫亭欄處處凭鄭觀劇談

多野趣苛禮必深懲錢光夔旅跡頻年共鄉心

觸緒增宸英小航思劃槳精舍憶擔簦茂白

剝烏頭芡青牽紫角菱原夕風嘶麥蜚橫港沒

魚鷹右會竹樹濃於畫篔簹密似罾千家花滿

屋六月稻交暎龔尊自失江村樂翻憐毒暑仍

善黃沙隨扇集白汗比漿凝遠易漬牀牀簟空

支院院棚檐稀珠市果價倍玉河水嗣璉槁落

舍香蕙攣拳裊格藤斯同暗窺蛛網縮乾坼燕

泥崩翔麟戶撒垂簾額瓶添汲井繩儼慵尋溫

水浴只想冷硯登瑄三葛衣猶重雙絲履不勝

撥書嫌走蠹懸拂倦驅蠅坤祇覺娑拖便誰甘

襍穢稱甄到門防客刺無地曲吾肱龔尊亟

買泉澆圃同貪草藉芳宸英酒拚河朔飲茶愛

武夸秤澄中返照斜初歛微涼暮可乘原分曹
爭射覆四座百觚騰嗣璉

櫻鞋

五兩來江市千毛結海櫻夔尊澤蒲材較賤楚

笋製徒工魏坤健許踏層岩踈難入軟紅坤老

夫還稱此桐帽伴山中夔尊

藤枕

剪就蠻藤細方花織淺深坤香兼沉水木涼勝

辟寒金夔尊只合青奴配何曾白汗侵坤一函

容茉莉短髮不須簪夔尊

竹簟

六尺蘄春篔簹床臥最便夔尊紋同麴塵水滑

比研光箋坤攤飯宜三伏看碁判一年夔尊物

微休棄置歸載潞沙船坤

風燈

暑愛當風坐移燈趁晚涼坤紗縹扶寸濶燭滅

一分長夔尊紫鳳垂垂結飛蛾面面障坤更宜

單舸去畱照露荷香夔尊

響竹

巧劃千絲竹仍畱一尺筒夔尊勁梢棕拂畔密

置筭厨中坤 搖翅潛形速先聲逐隊空夔尊 莫
因餘點墨觸損畫屏風坤

冷布

秋月漚池罷炎風入市初坤 暗窻塵繭換方格
畫屏餘夔尊 賤豈妍娥織涼宜倦客居坤 應逢
麻紙笑三葛更瓮踈夔尊

油紙扇

本自錢唐製猶存蜀府名夔尊 雖殊白羽潔却
比素紈輕坤 蓬勃塵難污清涼風易生夔尊 翻
嗤王內史趙 字費真行坤

瓦歎壺

舊製惟煎錫新來器上陶坤 寂愁芳草歇頻課
短僮操夔尊 病葉分踈雨珍珠迸小槽坤 連筒
雖自苦不比漢陰勞夔尊

涼蓬

平舖一面蓆高出四邊墻查嗣璉 雨似撐船聽
風宜露頂涼坤 片陰停卓午仄景入斜陽夔尊
忽憶臨溪宅松毛透屋香嗣璉

竹簾

吳船初解縛燕市喜重編夔尊 一綫條條直雙

釘戶戶懸嗣璉鈎時教燕去踈處恐蠅穿坤布
幔旋催換秋風又一年蘇尊

九月八日天寧寺觀塔燈聯句

秋風鳴枯槐斜日薄西崦徐善並馬入寺門客
衣罽菴蘇朱茂暲于焉展嘉覲一笑輟鉛槧高
佑鈿巡廊禮紺塏卓立大且儼蘇尊陳丹和暗
粉古色剩渲染魏坤蹟仍開皇舊函并舍利掩
查嗣璉一十三重檐檐風鐸颭善蟠楹蛟躩
踞負礎鬼瘠貶茂暲飛梯截堦級白石奪琬琰
佑鈿鎔金范爲燈設砌架成仄蘇尊纍纍仄蜂

房歷歷覆蟹屨坤怖鴿棲未安一夫爰走險嗣璉
綆缶牽膏油豆火發星焰善初如螢尾炫忽
若獸目睽茂暲或如爐杵炭或如竈炊枯佑鈿
須臾環扶闌散作四百點蘇尊虛堂鑿纖毫老
樹失掩冉坤氛烟看直上樓閣時一閃嗣璉置
身圓鏡中交光不可掩善鼓鍾聲遠聞來者紛
讓灑茂暲提携及童嬰羅拜雜寺闍佑鈿營營
各有挾邀福毋乃諂蘇尊禮義苟不愆寸心又
何慊坤玩物隨所遭誰能束崖檢嗣璉宵分梵
放歇漏轉人散漸善茗椀坐屢遷松關啓還扃

茂暘衰年疲倚徒禪榻擁衾篔佑鉞弦月隨側
輪濕雲俄淅淅曩尊驟驚山雨來昏夢豁嚳魘
坤晨興矚林端餘爍尙未斂嗣璉

九日雨阻天寧寺聯句

仁王塔祇樹林客九日期登臨曩尊相蕭蕭雨
淪淪泥滑滑愁人心嗣璉馬毛縮魚潦深行躑
躅坐沉吟坤日月逝衰遲侵去者昔來者今善
別苦易思難任尊有酒且酌斟佑鉞脫我帽披
我襟折黃花試共簪茂暘

食采玉山藥

窮冬旨蓄盡客至我心痲曩尊打門門者磨擔
僕走汗背查嗣璉周遭解村綯磊落倒僮侍滿
越喬土藎二尺強愛惜煩點對吳卜雄冰鬚截
柔膩井滌洗穢穢朱昆田未許餅盆藏亟勒釜
齏漑查嗣璉酸醎百無功水火兩不悖曩尊炎
炎力通透勃勃氣洸潰嗣璉中莖出佐酒扶寸
陶盤內越喬紋皴蛇跗斷衣滑兔褐退卜雄軟
嚼便牛飼饒扞鬪烏喙昆田是物種實繁厥產
徧陽昧嗣璉其葉不足憐其花不可佩曩尊孔
林殷而瘦禹穴白而僨嗣璉或如佛手擘或如

海越者有刊其為杜
聲余工部所賞然步見
所長何氏缺句附青雲
仔吳此詩一入笛漁亦哀

龍卵碎越喬方經炎帝收藥錄桐君載十雄詎
若采玉本品格壓儔輩昆田水芋山慈姑味劣
遠難配嗣璪

此卷得之梁珠淵茂才舊刻絕妙

中多金集未刊之作今盡采入外集注
見王金浦案疏有涉本尚存其字不著名
氏大約菜畦執霍諱其筆也唐寅夏記



